

東維子文集



五

柳田文庫

文庫11

D 123

5



Faint vertical text on the left page, possibly bleed-through from the reverse side. The text is illegible due to fading and ghosting.

文庫11  
D123  
5

010190552972

48-12220



東維子文集卷之二十二

會稽鐵厓楊維禎廉夫著

志

讀書齋志

醉李吳仲瑀自幼穎悟長有奇氣而於詩書無所不讀求天  
未見書如不及題其室曰讀書自課早讀若干萬言莫記誦若  
千萬言蓋出則於書少輟入室則又手披而口吟矣妻子責不理  
產及不能廢居邑則曰我業蓋是仲瑀於書其穎若是而余  
最誠不善讀書者也性未能寡慾其讀也不能靜且韻即  
韻又性粹急苟且聞即亟涉欲竟為常恨自課不能如仲  
瑀而仲瑀求余文以誌室亡迺左乎重違其志則曰自茲儒之



說有早獲無書可讀而天下之學幾廢不知何難之文天下之至書也帝典以前有皇墳之書大道所寄善讀者稱左史何相斷自唐虞以下堯以是傳之舜以是傳之禹其炳然見於書與二耀齊明不能滅也前聖既往後聖復起易也詩也書也禮樂春秋也皆聖人之書也善讀易者以知來善讀書者以辨事善讀詩者以正性善讀春秋者以知往善讀禮樂者以制行和德聖人其無餘蘊矣學者幸而有聖人之書可讀則聖人之蘊在我不在聖人然有不韋訪訓之溺詞章之隆也異端小道之亂也吁此非書之罪也讀書而不徹其蘊之罪也讀書而不徹其蘊則瞽儒之說勝也已斷輪扁有告於齊之君者曰臣不能以喻臣之子臣之子亦不

能以愛之於臣行年七十老於斲輪古之人與其不傳者死矣君子之所讀其糟粕已矣吁茲非瞽儒之論也讀書而無有徹其蘊之病也仲瑒讀書二十年其於聖人之蘊徹矣盈箱捧架者可以忘矣若舍之不善讀於扁方有愧焉韓非子曰慧者不以藏契書箴知者不以言語詔予願學而未能孟軻氏曰以友天下之士為未足讀其書以尚友乎古之書仲瑒其似之

### 鐵硯齋志

硯之龍尾以其地名馬肝以其國名帝鴻銅雀以其古玉古瓦名竹漆以其靈植巧工名孔研非珍器也而以聖人之德名鐵研非珍器也而又以桑生之名志桑生為主司所忌有觀其不舉進

士者生鐵鑄為硯自警之曰研與則吾業改也卒舉進士及第吁志之不可已也如是吾未論其人而尚其志孟子曰士尚志士尚志士而無志尚足以為士哉雲間呂生恂從余授春秋五傳學名其脩業之齋曰鐵硯且鑄青州之鐵為泮穎之具生非尚其器尚音人之志也志不移吾見生之業成矣故曰志之所存雖逝而親雖缺而成彊裂壞斷不吾聞也吾觀者間得於貧窶之人而貴富大姓之子弟未聞也聞有者大率以名始屢而未忽卒於不能竟成非此師父之罪也子弟之志不立也今生年踰冠矣妻妾矣子女矣父兄將以門事委之矣而生乞歲月之暇於父兄曰聞志無地嗜之惟在文藝耳使恂得卒業於其師者幸矣於是屏逐妻子收斷家事而朝焉夕焉於

是齋脩其業不以祈寒盛夏暑少輟也生之志不有竟成而光于桑氏者乎桑不幸生五代雖擢巍科登相垣蓋無足觀者生際盛代志一成事業蓋將過之吁君子非學之難學而無立志之志非志之難志而無令名之志生勉之生之門友曰馮生濬吳生穀盍亦以吾言警諸

### 心樂齋志

喜怒哀樂愛惡欲人之七情也樂居情一而聖賢之教每樂言乎心何也孔子稱回也其心三月不違仁又曰回也不改其樂是是非樂不足以語仁人之心、得其樂凡喜怒哀惡無有失其節者蓋未嘗有以損吾之樂也世俗不知仁人之樂仁人之樂也內世俗之樂也外外者物而已矣求樂於物物益多而樂

益不足惟樂於內而凡天下可樂之物舉無以尚之此心樂之至也雲間呂希顏有志於顏子之學以心樂名其燕處之室求予言其樂予曰心樂豈易言哉心樂非孔顏不能有也子夏孔子之高第弟子也出見幼華盛麗而喜入見聖人之道而樂二者交戰于心而不能有以自決此心樂之未至也希顏非單瓢之士也一日之間聲色接乎耳目便佞冲乎左右狗馬珠玉之好雜然以售乎前者不一而足也其喜于中者與商之喜者似矣其於聖人之心樂爭彼此之勝負其亦有以自決已歟不然吾懼希顏之樂者商而已耳希顏得為顏之徒也哉希顏惕然避席曰甘言疾也苦言藥也先生之言某之藥也幸奉教於先生願書諸室以為志

養浩齋志

孟子戰國之士也而得稱代之大丈夫小六國之君相者一浩然之氣也是氣也天地至剛至大之物也人得其浩然者山嶽不足為其雄也風雷不足為其厲也羅熊席兕不足為其勇也秋之肅、不足為其清春之生、不足為其富也千歲之日至不足為其遠也蘇子所謂不依形而至不恃力而行不隨存歿而有亡者推其盛至於參天地闔盛衰之運豈不誠浩然已乎然其浩也必有養也孟子曰我善養吾浩然之氣得其養則浩極其用與天地準失則暴矣故又曰志一則動氣、一則動志又曰其為氣也配義與道無是餒也至哉浩乎或暴也或餒也顧其養之善不善者何如耳此孟子之浩然獨稱善養也吾嘗觀膠腫之舟

放于大水而致千里之遠者必乘載之人得其用舟之道又得其制載之具然後駕乎風清肆行千里而不虞乎溺不然制之之具若用之之道疎舟不役於人而復為再役也是覆溺道也故氣譬則舟也養則用舟之道一志配義則制舟之具也浩然之氣入是有之人欲以不學之才而覲其浩然者是乘舟不得用舟之道而無其制遠且有覆溺之患者也可不懼也哉雲間任子先好學不仕而尚友孟軻氏之為人名其燕處之室曰養浩禮部泰不花公既為書之而又求志於余：為推其浩之有失得其慮而養之者未備其道適其說為記至正九年九月十日

芳潤亭志

君子論根源者莫大乎世澤之壽者莫大乎六藝之學也故得其

學者根固而芳菲源深而潤數前人以是始之後人以是終之芳之菲無時而歇潤之數無肯而涸矣世之言芳潤者與是異曰爵以芳其身而其芳也朝榮而夕悴曰富以潤其屋而其潤也乍濡而忽稿豈知六藝之芳潤者遠且大哉吾來吳中得所見之家證其信者曰琴虞氏也虞氏日集公至宣慰使公用六藝之學厚仁根義不食其報者已若干世宣慰始克享有榮名五十餘年而其子若孫林立穎發出典大縣者三掾史院者一以經行應賢能之書者不一而止其為芳也彰矣潤渥矣此任氏講禮樂之亭而有名芳潤者非以林地華竹之勝世澤之元祐也至是亭者為伯璋宣慰公之第五孫也伯璋齒方壯悖行孝友又善尊師好學先于前人二時名卿賢大夫皆析行輩交之吾知任氏之芳澤文

全盛而未艾也不然何其子孫之多且賢與吾不及識宣慰公而  
幸伯璋與吾遊嘗觴吾亭之上講求六藝之所深得且求言  
以為志吾於任氏之芳之潤益培而韻使世而彌章益疏而沃  
使物而彌天也實有望於伯璋故書

竹西亭志

客有二三子持竹西揚公子卷來見鐵厓道人者一辯曰大厦之  
西有嶰谷之竹斷而節而吹之協夫鳳凰此吾公子之所以取號  
也一辯曰首陽之西孤竹之二子居焉清風可以師表百世此吾  
公子之所以取號一辯曰江都之境有竹西之歌吹騷人醉客之  
所歌詠此吾公子之所以取號也道人莞爾而笑曰求竹西者何  
其遠也哉伶倫協律於嶰竹未既竹之用也孤竹之子餓終于

首陽亦未適乎中庸之道也廣陵歌吹又淫哇之靡竹之所嫌  
也地無往而無竹不必在淇在渭在少室在長石羅浮慈姥文  
竹之所也公子居雲之溟滌蕩之所數箇輅苦之所最結亭  
一所在竹之右即吾竹西也奚求諸遠哉雖然東家之西迤西家之  
東也竹又何分於東西界哉吾想夕陽下春新月在庚閭闔從  
兒至公子鼓琴亭之所歌商聲若出金石不知協律之有嶰谷餓  
隱之有西山騷人醉客之有平山堂也推其亭於兔園莫非吾植  
推其西於東南莫非吾美二三子何求而之隘哉三子者矍然失  
容慄然下意逡巡而退道人復為之歌明日公子來請曰先生之言  
善言余竹西者乞書諸亭為記歌曰望娟娟兮雲之暈結氤氳  
兮成堂百州芬而易薰兮孰與玩遺芳口美人之好飾兮辟氛台



而清涼豈大衆之無所分若稽首于西皇虛中以象道分體員以  
用方又烏知吾之所分爲西爲東叶當

### 芝蘭室志

芝瑞州也非董卓孔子善人之論取以配蘭而言香何也蓋蘭有三  
秀如之者曰芝蘭芝蘭非工物也之作蘭花則象山陸氏志故  
孔子以芝蘭對鮑爲言晉人以芝蘭對玉樹言傳曰仲尼蘭鮑  
荀卿逢麻亦獨以蘭言也朱子蘭辯曰古之所謂香花葉皆香  
燥濕無變今之所謂蘭花雖僅香葉乃無氣質又脆弱豈古  
君子之可刈而佩者乎爲之喟然曰古之善人吾不得而見之得  
也古之香斯可也言之香州亦不見則州木亦有隨時而變者乎  
離騷子悲於芳草豈可寓辭乎嗟未也而馬生者去偽以芝蘭

命室來謁記庸詎知其寶之芝蘭皆孔子之所稱者乎抑朱子  
之所謂不可爲君子之佩者乎生慨然變色曰離騷子悲芳草之  
變者傷亂世之君子某之名芝蘭之室者其與無世之君子居也  
盛君子某幸肯得見其人其人者天下士也次得見其人其人者  
一國士也又次得見某者人一鄉士也十年不得見先生而今日見  
之非其之所謂之世芝蘭乎世蘭芝乎不幸有變者雖當吾門而  
必鋤况入吾室乎其不變者雖在野而必來况在吾室乎予聞其  
言而聽之爲之歎曰芝蘭在野兮不以野而自傷芝蘭在室兮不  
以室而自慶叶世服艾以盈腰兮羌獨佩蘭以爲常寫操兮歌  
吾商芳菲兮稱章

### 藝文志

桐廬章木氏客處錢唐委巷中得一室陋而且隘自題曰齏齏  
既得待制杜公本書其題又移書雲間請予志予復以裨官之  
說婁士有三百齏為何神所請者予何樂以其請者自居乎  
章木曰士不可以一日而忘齏味人味乎鸞脯鳳脂者有而未  
有知齏味者十二日而不知齏味其道殆已予又復之曰齏又從非  
青齊奴作非齏其味最天下生殺帳下奴之瀦其術者子之齏  
亦有是乎章木曰此吾同名而異味者青州奴烏知齏味哉使  
知齏味金谷不墟二十四友不禽也予聽其言遂為論次曰漢稱  
生眼空天下士謂荀彧差可語餘皆酒齏飯糞耳世以生民脂  
膏養天下之酒齏飯糞民亦不幸甚哉守道息食于齏齏齏  
而出而可天下生民飽食而廣居也子之齏其得自使而人得而

迺陋哉錄之辭曰齏之室兮儒之宮一室之隘兮天下之容吾何隘  
乎兮齏而志乎高臺大壙齏之齏兮士之茹一茹之苦兮天下  
之朕吾何醜夫齏而志乎龍肝鳳脯

### 漱芳齋志

雲間呂生恂名其新聞書室曰漱芳取陸士衡語也而有請於  
余曰吳俗嗜好尚權利次貨殖婦女狗馬及方伎服食之祕也  
恂賴大人廕雅知有義方又賴先生教顯習在藝六時能伸  
筆引舌漱其餘芳足以自朕蓋不知俗有權利貨殖婦女狗  
馬服食之祕之嗜已願先生有以志諸室以儆予入吳雅有喜  
呂氏父之善教其子也又喜士之嗜好異於庸眾人而善承其教  
也而芳則難言也何也芳者大道之英至治之馨也世之泰其

芳在天下世之否其芳在六藝天下之得之者斟矣離騷子思得之曰若菲芳而彌章至於悼時不得則曰哀衆芳之無穢其所以自也於萬三千言者則亦徒得諸齒吻之膏舐櫝之護而已耳其能沾溉全楚之國哉然其芳不溉全楚而溉于天下後世也遠矣故得其芳者嚼然泥而不滓與日月爭光焉可也嗚騷之芳且爾況聖人六藝之芳乎陸氏子服膺儒術者著之三篇蓋亦有志於芳矣而實未嘗得之使其得也其能去舊鄉奸新國甘即戎服敗河橋以遺華亭老鶴不勝之怨哉方今聖天子思至治之馨表章六籍以取士士有不在六藝科者不得奸時以進生於六藝能漱其芳之所獨得異於陸氏子也而又遭逢盛時以大科進焉則其芳也肯為離騷乎離騷不為也又

肯為陸氏子乎生勉之又師之望生之自期以奮又師望者不在是乎勿徒曰漱芳者自腴而已也異俗之嗜而已也至正九年夏五月十日

蠹物志

雲間李彬家有園池。有卧石一具狀類怪人題其額曰蠢物彬嘗觴之所醉踞蠢物曰爾蠢烏知不有蠢如爾者乎彬曰爾不蠢吾蠢物還說乎余曰石氣之核也怪而以為用也於禹隕而以為警也書於春秋曰嘉曰肺以為乎疲而達杜也設於周宮鼓聲於桐魚鏡也鑑于月林劍也利于昆吾慙也醒酒於平泉之野鏢也或至於補天焦也或至於縮海及其幻而不常也至羊豈而人言物之靈若是而謂之蠢可乎今天具陰易五行之秀

命之曰人與天地參而有冥頑弗靈非人類也詩曰蠢爾蠻荆書曰蠢茲有苗以其冥頑匪人類不可以王化率故詩人古史皆以蠢加之吁蠢有不蠢而不蠢者蠢也抑又有說人之逞知覺舞聰眼蠢號曰道人曰知士曰巧官反其窮也通覆不如塞智覆不如愚而人巧覆不如大拙也雖欲為蠢物不能然則彼謂不物於蠢而謂茲物於蠢者孰愈孰劣哉君病夫不蠢者之弗蠢物若也故以之號而警之乎不然蠢物不蠢也

濯纓亭志

有三客者會於雲溪之上濯纓之亭各陳所誦詩以白所志一客歌曰桃花一實三千歲不識人間漢秦世溪上漁郎何處來溪水東流復西逝一客歌曰荷為衣芍藥為裳飲沆瀣兮餐

朝陽山蒼々兮水泱泱懷美人兮天一一方一客詩曰我所思兮思故人先舜之主皇靈臣其之顯兮願之濱飲牛豈弃巢由民又歌曰鑿則圓兮柄則方尺有所短寸有長文武之道一弛張龍仲虺屈安厥常歌闌以質於濯纓主人主人曰一客之辭逃世之士所志也二客之辭喪居之士之所思也三客之辭一隱一顯與時推移之士所為也如用之吾從三也歟三客者退錄其辭者鐵厓道人會稽楊維禎主人者為中臺中丞公吳鐸也

癡齋志

余嘗疑顧愷之稱三絕而癡當其一癡者不慧之名也使愷之果癡尚能以才絕畫絕命世耶不知其癡點所寄也桓温謂甚癡點各半吁愷之之點果可以無患求之耶晉士大夫往往用

癡養慧如玉迷玉堪之流是也老子固嘗論辨與巧矣曰大辨若訥大巧若拙此晉人用癡道也錢唐盛生修齡自蚤年得癡名於人因此自命吾不生之癡果出於無慧耶抑愷之寄之也生嘗從余游精悍堅確日讀書數千言嘿誦如流夜課詞章若干首不以邪寒劇暑少廢其吐言揚才若雷奮河決土墳而草木發也連試有司輒不利赴二十石辟為掌櫃史志又不信則復理詞章試有司遂售其資其才與志若此而人以無慧之名名之生又以自命其果當乎不當乎雖然世貴曲通而生獨尚直世貴狎和而生獨尚介世貴巧辨偽容而生獨樸與誠也則有類乎癡而已矣抑豈知生之癡去俗為甚反而去道為甚近世務諧俗而不務道合者不少也又烏知

其癡之果為癡乎不癡乎今之人有聰明自任迨至育妄植惟顛隕於汗壑陷穿招之而不及呼之而不覺終其身有形植物累之憂者則其為癡也孰大焉生偕計上京師將有為政之日其毋改乎類乎癡而未嘗癡者則其不為聰明不癡而未始不癡者歟

西齋志有詩

有二客持吳興趙公子西齋卷來見會指鐵崖道人志一客辨曰首陽之西有孤竹二子者居焉清風足以師表百世此吾公子所以取號于西也一客辨曰伏翼之西有小桃源者在焉某地如洞天邈不與世接此吾公子所以取號於西也道人莞爾而笑曰竹孤之子餓終首陽未適乎中庸道也桃源之在人間世有

方外荒唐不經之說也公子雖習隱而好高莫果之是我吾  
知公子者公子素負奇氣有遠大之量思得明王以輔翼之而  
不果也遂宿其志於西吾相其夕陽下春新月在庾閣闔從  
兌至公子與客鼓琴亭之上歌商聲若出金石無異和者而  
有懷夫西方之美人曾不知首陽有餓隱之高而伏翼有僂  
都之勝也二客於公子何求西之野哉二客者失容逡巡而退  
道人復為之歌明日公子來請曰先生之言善言於西者乞  
書諸室為誌而歌則古將殺之秋聲云歌曰  
物生於東城於西兮有信有屈物不齊兮彼向而笑僕為  
迷兮惟古有造物不羣兮大東之西孰我賓兮我所思  
兮西方之美人兮

木齋志 有詩

吳下殷生奎天質古茂一言一動醇乎其無偽者也人以  
水歸之生遂以木名齋今禮部尚書泰不花公愛其為人為書  
齋額求余言誌諸室世之置椎魯不聰者類曰木鄙為棄材  
亡所於用必多天不木者曰便曰給曰機曰斲不知便給者蒙不仁  
之異而機斲啓薄行之偕也孔子嘗論木矣必與剛毅者同稱  
曰近仁仁固可以木得之而不可以椎魯不聰棄之也夫大味不和大  
質不雕大樸不散其惟木也乎仁者至樸而止偽之物故論仁  
惟木為近孔子之言歟豈我哉嘻木為聖人所器而論者棄之  
天下之能仁者寡矣抑論者之所棄則有矣士之為大有似焉  
而實非漢稱長者未之近仁者也惟勃邁之而陽朴售至奸如

周仁之流則大似而大非其為不仁也甚矣今 聖人以深人治萬  
生使民刻偽還朴表民者類求長者更若生之木固又今  
聖人之所器而又加以聖賢之學使言仁者歸生其不應表  
民之求乎吾聞生之王大夫大夫累世忠樸如生所種殆出於一家  
風氣之厚也殷氏四世而未易其當昌在生無疑者故吾敘而  
期之而又為賦詩極木之所詣以率能詩者繼之詩曰

七日混沌離 穿鑿爭七竅 碩果一夫仁 百體俱弗肖  
巧詐日橫生 售朴至深溺 聖人憂世心 世變若原燎  
安得至木資 與世作津橋 學齋取木名 衆巧不同調  
回愚與參魯 入室得道要 豈是灰稿人 滅心比滅燭  
君看記須鷄 人方詆不鷄

雪巢志

雪一也而苦樂之情異焉何也清也寒也者不知其清今者不知  
其寒此苦樂之情之辨也上古未有室廬則民有縣巢而居  
者至陶唐氏之世尚有巢又之流以樹為窟與羽族同栖者  
吾想其巢當霰雪之集與木稼同冰是有雪之寒無雪之清  
者也後世乃有借光於雪者謂之雪自致爽於高者謂之雪  
樓而又有假屋於巢假巢於雪者謂之雪巢是有雪之清無  
雪之寒者也我所謂雪巢者崑之洪用氏治其棲客之室於雪  
鷗堂之陰者是也用居高門懸簿者幾世矣而無華靡之習  
炎赫之勢堂號取於雪鷗蓋富而能清者也其名屋於巢名  
巢於雪固宜雖然居其清於主與客接物潔之也處巢於窮陰

匪寒之際一念之擴衣吾衣以及人之卒歲無以食吾食以及人之朝夕費謀也此又及物之仁之義也予屢辱用觴於某人固尚其潔也擴而仁為義者或懼弗及也故因其請記而為之言具使賦雪巢者不從思於古之巢寒者也

### 藏六富志

雲間錢子雲氏博學工文章才可用世而世不用也今老矣黃冠野服脫落世累飄然有神仙致遠而築一窩于鴛泊之上狀蓬、乎浮游于滌若龜然於是命之曰藏六求予一言以為志子謂藏六本坡翁語坡以失言藏六子雲何失之可言哉嘻藏六於澤夜半有力者負之而走昧者不知也而况藏六於一甲乎見者不測而剗則鑽杖而扣之矣是欲遁而不得其道者也是故

珠假藏於蚌而蚌拆玉假藏於璞而璞剖又况假藏於身者此甲之靈於人而不靈於己者驗也子雲學道者吾請與子言藏曜靈晝而忽夜日之藏虛冕望而倏朏月之藏萬物闔於春養於夏成於秋而閉於冬是天地之大藏也天地之藏必有道焉放於六合而無外卷於一密而無內是大道至藏也子雲學道而欲效失者藏其六也不既愚且勞乎子雲作而謝曰吾不敏吾將從子游以聞夫六之藏也藏道何如曰藏于一故曰藏于一萬事畢

### 俞同知軍功志

杭自宋行都未歸服藉後生齒日愈繁無兵革灾者幾三百年至正十二年七月十日庚辰強寇至自昱關紅巾楮



服僭竊王號蹂躪我城劫收我府庫鈔掠我子女上抗  
天討其悖甚矣越壬辰肅政使字蘭公親按重兵會行垣大  
臣戮力翦賊時俞侯元以仁和縣尉公孫合哈必元帥部位  
破賊於吳山癸巳伏兵六部橋捷獲克頑若干人掩殺其部  
士者過半奪馬騾旗鼓器械莫勝算甲午追兵壽坊安賊潰  
走追襲至明慶僧寺蓋焚其窟落李公壯侯智勇視他賞  
賢獨有功乙未沿井亭出衆女橋文賊鋒者三生禽渠魁一人  
及從黨若干人丙申追殺過北關復吾倉廩府庫之狼藉者若  
于所又生禽其掌記者二人獲所劫宣勅劄憑及偽命奴經之  
屬燒毀行寨拘截輜重賊盡北奔而杭城始復庚子復領哈必  
赤義兵西赴餘杭勒搏其殘孽八月辛丑朔遇賊西門交戰

獲首賊某都帥某妖師某總統某賊大敗捷書至憲府憲府論  
功授賞遂擬侯為杭州路同知府事閭民市夫咸手薰爐拜侯  
之勞之德士之業文章者述為歌章以頌侯德之美開元道士  
徐以正又歷疏其始末求文以誌于石予惟絳帙怕頭此神  
禹氏之軍容也夫何小醜敢僭其儀漢賊黃巾張晉賊絳帽  
李辰非不德陵州郡煽行妖孽以冒軒天器皆亡不旋踵而皇甫  
嵩華宏之徒資為大功蠢爾獠蠻復逞左道以速鼎鑊命  
侯之功又豈下於華宏皇甫嵩之徒歟宜其十有旬日位躋四  
品而人不以為過也自是侯將右肅政府為國家始終殄賊獻  
戎功於明天子天子將獲功賜秩見肅政府之善人用而侯  
為國家一時才人之盛也豈非杭人之望乎侯尚以予言勉

之後名元字長卿世為錢唐人是歲十月初吉誌

王鎮撫軍功志

鎮撫官古之軍正司律令軍中得其人則都督之在體要而坊遠部落之在下分立而情通不得人反是至正己春皇帝命江浙行省平章定卜沿大江以東調諸道兵討紅巾賊命至哀兵大閱謂都鎮譚汝楫曰師行千里草木不靜所過郡縣士卒將有勵吾民者君為我選公勤廉威者治士卒勿譁汝楫曰唯乃舉前大府監器備庫使王君顯祖自代平章視其丰儀卓犖論裁殊庸人即版授都鎮撫首陳民情決兵機地里要害已而下令申約束士卒潛相戒曰軍中今有王鎮撫剛毅人也吾輩無譁二者死律一張民用大協是夏

分率戎虜抵池以便宜決事率先諸將與賊相還置縣建德剡自面渡鐵木田因掀湖口撤彭澤行趾盪陽城斬偽元帥者二傑賊將者二十有五從賊無算獲其廬帳輜重器械稱是明年餘城復寇東流君進謂平章曰東流糧道絕之危必死爭平章疑之遂引兵東下標饒之石門拈東流大山三十餘戰深謀密計用之無遺算而一時卒咸樂為之用能屢建奇功民之奔命歸明者以萬計吾所謂官用得其人則居上者體要而功速為下者分立而情通非歟省憲論功聞于朝士民被恩歌于道大夫士又作為歌詩以美之軍中之通歌謠者從而和焉此陽浮慕者哉然而大功未褒勞君不以為枉致員為所事君不以為難重子曰明其道不計其功正其義不謀其利君子達此

者此歟其徒葉一元以余為文章家司公論於當代且視信於  
後持其狀來求言於是乎言至正十四年七月初七日志

東維子文集卷之二十二

東維子文集卷之二十三

會稽鐵厓楊維禎廉夫著

碑

兩浙鹽使司同知木八刺沙侯善政碑

至正十三年春正月杭之監檢校官劉某將監商嚴峻等來  
見余東門次舍請文以記使司同知木八刺沙侯之善政余驚  
疑曰當未繫民寇亂之餘而監漕官有政可紀非官之祥也  
歟余嘗官於海濱矣見歲之分漕官挾悍吏二儻仗一枝  
卒數十至分所必先震刑威而以售香墨於其後下視亭  
民吏如罔置免狼殘隼虐無毫毛隱痛其啖噬滿然後  
民吏始得垂展手足官給工楮大享與亭吏必搏相過其

半謹而儲之以俟分漕為故常若輪公祖奉公養者吁民  
其有不病乎朝廷憫之為減額數三之一署監漕者皆輟  
以臺憲老臣及州郡之良二千石今沙侯之同知兩浙監漕  
事其應是選歟岐曰自侯下車即攬轡慨然有激揚志  
分漕嘉禾先問亭黎老貧艱孤苦聽以狀聞取其損數與  
大亭垂除之憂民故犯推與吏作奸市鈞逮富人及仇家  
不論情實侯一理已犯弊立革桀吏舞文敗吾法誅其尤  
而餘皆有做任指使者皆恟然謹行於冥恒若侯視聽  
之及亭工楮毫釐皆到民無異時搏捐民咸拊手叫噓以  
為非工楮之惠沙使君之惠也故在嘉禾未嘗一筮及亭之  
民服力歲課不啻如子職比還日而漕使長且驅馳兵事

亭之高散轉漕之利幾格侯於此時兼伯長之政招徠客商  
不減平昔先是倉史與網兵相為奸雜監以偽惡侯申令  
禁止又其所藏監悉多累年不發較常數虧十之三四侯  
驗商人所給數俾新聞故以與之且不便強有力者越先後  
次不數月商舶押至流運不絕足課於常數以充軍國之  
需於此是侯之才有大過人者無自國家選用之料矣  
吾聞君子論祥以政不以物商人談侯之善政如此亭家被  
其澤者可知已非吾所謂官之祥也歟是宜書其莅官行  
事刻諸真石永示後軌侯西夏人字某平章某公之孫  
也記銘曰

惟海殖利 利民利邦 謹政厥筭 懼民有創

法苛亭困 法慢困商 官不理法 墨敗我常  
爰選才德 以量漕細 惟我沙侯 良二千石  
下車求言 民我休戚 指使循良 扶去蠹孽  
刑罰不乖 尔亭我力 闕石不頗 尔商我役  
惟侯治法 廉厚秉心 其履怛々 其德惜夕  
辰我謳歌 易尔呻吟 昭然冰鏡 澗若旱霖  
轉運大利 出納弗偕 君子論祥 以政以德  
矧丁寇亂 官失守職 我侯守官 乃建成績  
盡踐公輔 以相王國 我作銘詩 昭示政則

長興知州韓倭去思碑

吳之長興范元禮致其州父兄之言曰州之良二千石為韓

侯侯起身濮陽同知州事歷汝同知州事得民譽甚四命為  
今職長興吳壯邑也其地邊具區農艱食其土俗淳篤  
好盤遊大家喜氣勢多訐爭素號難理雖老財營者  
病弗違惟侯之來也本之以仁明決之以剛而行之以直也盡  
刻去舊時積蠹詰為為令筆為為畫一出千奪是非之公  
長貳或以各意爭予致侯既以正持大綱其中雖上下有牙  
盾其不順而治者寡矣民始有不便安其為者形諸詖傷  
連未幾則咸識其意樂其利而歌其休也邑役素不均由  
資產弗辨也侯下令產漏資匿者許若干日自陳即不陳  
許人檢役焉不三月得列簿帳役無不平曩貧兌視戒石  
溯因去之侯至作新石益大書其詞且名其紀今書曰不欺

天云由是大家悉無敢奸以私者白鳥鄉者悖弟周福斫  
死其兄而誣訴於他日者侯得其情出他克反厥坐  
下若寺僧其為仇人誣奸狀中傷更有仇相為根株僧某下  
獄室幾死侯辯其衣物差牙即伸其枉民情大悅服其  
明決類此侯奉太夫人且八十矣太夫人教侯仁且賢侯朝  
出視民事歸必告其母事當理喜而飲即否不飲食且  
愠見於色故侯政之休者多出母教也侯視事晝月繇賦  
平奸惡屏流離還闕市通壑闢廣而辟序之教興矣  
民謹然誦之為良二千石往者未嘗有也今秋滿去吾民  
有什百為群相與涕泣遮馬首于東門不聽去者願子體  
民意昇之以文刻諸州亭之石不惟使民懷德不忘庶幾

侯來者亦有所述也予客吳興者二年論侯之政與州父兄  
言不誣故為之序而且繁之詞侯名約字彥禮博齋其自  
號真定人其家世勛望有家乘在茲不復詳也長興雖  
湖州之支邑曰吳長城悍若易闢義亦易興惟民師：慎  
簡其人其人伊何曰剛且仁侯來自西維父維師且視其  
民夕奉毋慈毋訓爾聽與民爾政俾爾民康寧俾爾無  
爾病惟收保若保赤子我哺我衣惟恐子駭汝疇汝聞汝  
汝織勿奪汝時矧迫汝役汝有痛生我其恤之汝有枉罰  
我其出之政用大和果用不辜若早得澍若渴得甦侯今  
去我誰與活我迫我寬我誰復救我惟湖有石其石漸：  
刻侯去德後來具瞻

富陽縣尹曹侯惠政碑

皇帝踐祚既久念海內外土地之廣生齒之繁仁義禮樂之澤有所未周乃召丞相議政化之得失繫於郡縣之寄由是簡牧伯以惠黔愚多周儒術為理仁厚循良之吏往之得以紓其蘊抱而窮山異谷之民皆沐其惠休若富陽之有曹侯亦其一也前守有不期月而去者侯獨留五年而民惜其去之日邑士民為某等來謁余錢唐乞文以紀侯之惠續馮之言曰富陽枕支邑當東南要衝枕山帶江無沃土美植以當大府之需故民勞而貧俗訐而澆侯下車首以敦本厚俗為先務屬孔子廟壞乃捐田之入率士籍之優饒者以速立為事廟既成又為之聘名師招俊民而教養

之不數月弦歌禮讓之風達於郊鄙繼新三皇氏之宮社稷之祀壇壝皆煥然可觀下至郵驛河梁百廢具興而民未嘗以勞告巡行畎畝躬說桑田明深條柔而民無失時惰事之罰阡陌既闢民食其土而庭無盜賊獄頌之聲良田賦役均一而徼科弗亂吏無並緣之奸而民始知以有生為樂也歲六月不雨未將槁死侯走祈山川甘雨隨注馬山有虎白晝傷居人侯投檄山靈虎尋蹙若憂告詔而去者侯之感於鬼神禽獸有如此者公退輒閉戶讀書或行山水間時為歌詩以紓其清曠超超之懷其自治有如此者其是政也明而決其下士也恭而禮其馭吏卒也嚴以恕盡侯以兼人之質以丞其家學有尚書誰一郡侯運便通議

公為之祖州伯奉議公以為父其忠君惠民之教耳熟而  
心餒之故其設施章之如是前倅湘潭錄嘉興既去而  
民思之今見富陽者吾民之思蓋過之于聞儒之為德  
和平而靖深寬簡而粹密故發之於事業多惠愛子  
諒非徒長裾潤帶以取侮於庸妄者也若曹侯者其亦  
古之循良吏也歟誠無負吾君與吾相昇子之重矣曹侯  
往焉日躋顯庸展其文以施天下益信夫儒者之有為  
非世之俗吏所能輩行也余也蚤以儒術食君之祿而  
老與時違聞曹侯之風未嘗不發愧為故重馮之請而未  
書之侯名忠字惟良燕人云

於潛縣張侯禦寇碑

有虎眉叟數人來自於潛山谷間借其邑大姓曰章和徐  
瑞等若干人言其縣令張公傑之為保鄣有狀至元己未  
夏五月賊起安吉東抵縣外境謀縣署所宅之縣以兵守者  
先遁初侯慮賊以義結民為伍乘法民無窮富老穉皆  
樂受命修門隍理器械立旗邑飾凡若干伍侯以至師自  
命矣于民田舍今日與民共死生吾死若輩偷生今以五乘法  
殺若輩吾偷生若輩亦以五乘法殺令即夜統眾二千人跡  
賊所往搗賊虛殺其魁一人從十人賊望風崩潰越明年  
春正月賊又自微突是嶺陷昌化昌化去縣治僅三十里所  
居民皆荷擔謀徙侯饋牛酒呼民後以五乘法矢如初賊素  
聞侯名且有兵略皆迂去寇他邑日縣訖按堵如故仍調鄉



夫守禦四門畫理縣事夜巡縣境以為常民之倚侯蓋柱石矣夏四月淫雨窮晨夕不止凡十日二麥垂稔而腐且過半侯疏詣岳祠痛自責者三而天大霽民之倚侯又神明矣他如分振窮教勸學矜老疾宥孤寡此又收人心以助皆可書者吁若張侯者非今之保障臣哉侯丞揚子縣有治聲邑民為樹碑著善績令尹吾於潛捍災禦患力政益過之潛父兄亦將樹石西門以為吾人紀去之忍聞吾子文足以傳後自有以第而登諸石予嘗以紅寇滋熾往易吾官軍官軍覆不敵者以主兵者無能主兵無能以五棄之法七也誠使小而長千夫大而統六師者能守古位棄去如張侯者吾未信兵不利寇不殄也吁秣陵之潰武上

潰視至將如滄人非惟棄甲而去或有倒戈而仇者誠誰咎哉吾宜有述以諷主兵之不如張侯者庶有瘳乎余未識侯跡其治行若是不啻如心交其人也於是乎書侯名傑字漢臣濟南濱之世家云至正十六年春正月七日記

重建海道都漕運萬戶府碑

海漕古未有也古者天子千千里而都公侯中百里為都天子都漕而入者地不過五百里公侯都漕而入者地不過五十里禹貢所載入謂亂何乃級節轉輸之次其輸止於方貢之物蓋畏時兵木有餉任未有廩何有於漕運哉春秋時國各有兵事則始講求其法亦不過師行之餉國都之漕猶未講也秦罷侯置郡令天下飛芻輓粟負海之稅轉輸比

河率三十鍾致一石漕之為役始勞而泥海之漕亦未講也  
國象定都於燕控制萬里外軍國百司之調度皆仰給於  
江之南漢仰漕山東唐仰漕江淮皆無道里遼絕之阻也今  
京師去江南相望水陸數千里而軍國百司之調度欲朝夕  
供億如取諸左右吁便無良法以致之則民勞國費又可勝  
言也哉此江南海道漕運之法開實天運之所啟也迺至元十  
有二年天兵下江南丞相白顏公悉收犀箠國籍上之京師  
屬將朱清張瑄自崇明徑海達於燕而海道實開於此  
繇是東南入海者浮游大舶絕海而行發陵倉踰成山歷  
萊洋入界河抵直沽以灌於天庾海若受職洋颺逆順龍驤  
北指僅旬日程耳茲非曠古以來所未有之大利捷便乎故

曰漕運之開天運之啟也越裳氏謂海無烈風意中國之  
有聖人也證之于今不信已乎初漕之署開三府于平江  
置萬夫長六員僚屬若干人虎符金節兼點軍旅秩數  
視他萬夫長府帑得儼其筆且重焉大德癸卯併府歸一  
長貳及幕僚凡九員隸屬凡八所糧餉歲增至三百餘萬  
每起漕必行中書官親臨督調吁漕運之功大則漕府之  
職隆勢使然也至正丁亥夏萬戶買木丁公來顧府治瘴  
陋土木弗之無以副 朝廷設司授職之重迺謀諸僚友付  
萬戶鄭公洵定僧公協乃心力各出俸金以率僚屬助以營  
運子本之贏明年九月某日始獲徹樂而新規制視昔益  
宏而壯閱三月某日告及暮元僚孫君來謁配且謂自初

府來七十有餘年未有名言垂諸金石惟子其言之予既  
為推言海漕之關於夫而又有名於人者天既啟之人克佐  
之斯萬世萬全利也不然萬一魚龍之國阻為巢穴天有  
不可恃君子之所慮者亦速矣居是司省知天人交應之  
道則知其責愈不薄也已可不勉哉買木公字永錫西  
夏人起身宿衛連佐省臺有風節今以資善大夫為府  
之監鄭公用和字彥禮三衛人定僧字平叔沒儀人皆  
以近侍輟居漕選經厯孫震知事鄭繪照磨衛權董役  
者千戶楊元正府吏湯文情馮謙章復也銘詩曰  
朔方聖人啟中天 天府之國宅幽燕 帝車迴旋統幅員  
南海北海無中邊 海陵輝耀至領顛 龍驤萬斛誰開先

神人手執鯨鯢鞭 朝發扶桑暮咸淵 清明風生五雨縣  
不問風起人南還 砲雲不作颶不顛 神燈在天大珠圓  
帝曰開府具區壤 出臺入省居才賢 將軍來自西子關  
高明大屋重翠鸞 十風五雨熟大田 天倉如泉積陳貝  
武夫翼艘扶飛仙 天人交贊利萬全 漕臣奏功帝曰然  
國星煌々千萬年 至正八年十二月某日譔  
大中祥符禪寺重興碑  
秀郡庠西有古伽藍曰大中祥符主僧曰曇師持寺之重興  
狀來謁於庠次曰寺之棟宇象設其來久矣廢興紀錄敢以請  
予之名能文庶後有攷且以壽吾教授狀於東晉映寧間哀  
帝詔剡山法師潛講般若禁中師還山道由攜李舍于安

撫大卿魏公知其有道行遂舍地為寶坊延之至梁普通盛  
行水陸法事故稱水陸院廢于唐之會昌大中天子復天下  
寺院寺得故宋大中祥符元年改賜今額羣疏于朝作  
御前崇奉所至今寺之坊字曰華封云獲賜城西高田若  
千畝元豐間有市民魯性忠者烈地五文充寺之河歲令祝  
聖放生者是也建炎寺燬紹興乙卯主僧法瑜募有力者  
建佛殿山門兩廡及五鳳樓縣鍾有虞度經有藏沙門先者  
繼成無量壽佛殿三聖等像二十五年太守林衡奏改禪  
院乾道辛卯大府上某奏賜華亭沒官田九百畝籍入  
寺我朝王林瑛公始領寺事又置新田若干畝寺之養補  
瞻絕照光公來理法堂鑑湖澄公繼之適魁仆後殿三聖

像之存若有神獲者未及興復而寂梅屋常公至僇力經理  
僅成明樓及歸雲寮至元戊寅江浙相府舉嚴林碩德充  
各寺法席而我曇師在選中願頽地狼籍如逆旅舍寢食  
遙安遂盡鉢棄資及暮請檀經營者十餘年始克鼎建  
後大彌陀殿中嚴無量壽佛像左右十八應真仍翻理前殿  
左右廡裝靈山會境方丈寢室成就嚴遠下及庖庫園沼  
一一完美方之前後廢興若此余惟寺之廢興以人不以時而  
人之興也不以土木之績而以碩德高風也若肇基者之潛師  
與今曇師之復興者是已然則碩德高風又豈在於禪哉  
水陸法事哉吁象教化濁世而後有水陸之其世可悼也佛  
法離而有禪、蓋離而有南北教可悼也已吾怪今之言禪

者不根祖始隱語以相蒙誕言以相勝使其徒悵然捕風  
索影訖無自而入大雄氏之道則往祖狂而失守吾喜曰  
雲師身禪而心則儒嘗與吾語道已以性善為法喜以敬  
尊愛親為上義以安貧居易為極樂以作善降祥為因  
果以言百師代行師千種為不壞身殆有與吾儒合者非禪  
門氏率其徒於悵然捕聲而索影者也柳子曰吾於浮  
屠氏之言取其與吾儒合者吾於師亦云師周姓字二芳  
郡之需家子嗣于淨慈之靈石芝禪師其銘曰

大道文 九流深 西鹿興 華軌路 禪亦奇  
道益愜 各戶牖 示鈍捷 盪真性 執志涉  
一既離 萬曷攝 秀之西 宮業 般若宗

登載標 致禪興 註異課 惟曇師 我道協  
南之車 勸之楫 推離宗 返伽葉 泐後人  
廣白業 我五言 歷萬劫

玄妙觀重建玉皇殿碑

吳興玄妙觀在子城西北一百五十步為郡官寮祝釐禱雨  
賜之所本梁大同二年所建玄風觀也唐神龍改龍興天  
寶改開元宋初改元通大中祥符改天慶我朝改今名崇  
建聖殿以居 昊天玉皇之帝至正六年殿災主觀師聞  
人得人攬其敗甓斷礎不無愴然者迺與其徒施道清壺  
洒心力勇發弘願既各竭已資且募檀施得里之大家葉  
德榮劉道坦等又久捐若干緡錢於是首建聖殿經始於

七年秋越明年夏六月告成肥楹傑棟翠飛岳持縑以朱  
闌覆以重欄規制雄大氣象森寒凡慕帝供張之具黃  
金丹砂璫瓊芬郁之錦視昔有加若天上良常化出人世  
川祇地媪成大懼喜奴隸婦女瞻仰贊歎誠足以侈廟  
貌昭神休矣工徒竣事士民相與共落之禩極在野歌舞  
在滁休氣布護無有災害人康物阜熏為大和則又相  
與伐石以紀其成知觀事者錢道元介萬戶教化公來謁  
記予悼吾儒之教岫而為老釋：氏以滅絕倫理示人以險  
絕撥之而生：之造幾熄惟老氏之道原乎大易大易吾  
聖人憂患之作老氏者其無立患乎聞文法之煩稱也  
機譎之互角也百疾俱作萬怪橫生晝冥宵光夏霜冬

雷回不繆整其故立教以自然為宗以無為：有本返治古  
於容城天時田不侵畔漁不爭隈訖嬰兒於巢上棲餘糧  
於晦首虎豹可尾蛇虺可跟而不知為之者此老氏書也索  
其教者又隆以昊天上帝之居魏：觀闕與時王等而  
王法無所於禁亦以廣好生之仁充玄默之化也得為其  
徒者將推其教以極衰世之苦則祖師之聖又豈直視塵  
以壽皇圖宮闕壇墀之崇又豈徒靡吾民力以侈外觀  
而已哉方今 聖天子追治道於黃唐之上好生之德與天  
同流瘳瘵煦殘以恬 熙民有含哺而嬉鼓腹而遊老死  
而不知 帝力之加於我者老氏之教可以因之而廣矣既  
敘其事復為銘詩曰

神龜戴弁青浮紅  
水晶宮闕神人宮  
金鋪雕礎固且崇  
參差珠閣當天中  
仰瞻倍展天人容  
天威只赤下地通  
白雲之鄉帝乘龍  
翩然大荒靈下降  
彩烟綺霧陞九重  
靈鶴萬舞來從東  
五方之人叩吉凶  
帝慈下土叩輒從  
物不疵癘歲屢豐  
十日一雨五日風  
聖人體天上帝同  
好生之德天同功  
祝聖人壽生聰  
控伺至德還古蒙  
彌天萬年天無終

杭州龍翔宮重建碑

龍翔宮繇宋理皇潛邸改浙靖惠王府為之以奉感生帝  
山門曰龍翔中門曰昭符殿曰正陽咸淳間又改命南真  
之館南斗殿曰壽元土曜曰景緝鐘樓曰如應經樓曰近  
真之章藏殿曰琅函寶藏凡宮門扁揭皆宸翰也撥賜免  
粮土田山蕩若干頃淳祐六年賜元靜先生一卷胡公住持  
宮事不有粟道院在湖西栖霞之北天台葉公召集分主之  
寶祐初又撥賜長州崑山縣田以贍不足承之者為古泉胡公  
我朝崇市立教墨書護持今公執以奉脩祀典不章胡僧璉  
陵轍教門改宮為寺公力於匡復有詞于上獲歸土田者  
半殿宇不可復則有私貨置宋楊和王府基在今城西北  
隔大德丁酉始造殿宇門廡倉庫以次而舉田有三庄在

仁和平江湖州大德己亥公被旨授白麻命語提點所印章  
公為一養猶子僊風道貌拔塵俗又以役丁甲之法呼雨  
退潮致空官之敬故其成功速而有以光前往裕後來也  
己巳天師留國公主領宮事後有石田鄭公某松瀑黃公某  
鴈蕩林公某柏繼而出皆有功於教事者而林公又克寬展隨  
途增廣聖殿創建道城於霞山元統癸酉天師太玄公選  
請洞霄史公景仁提本宮事席朱溫而隣燦延宮公前及  
曰石泉已夢下於我矣我不興復天其厭之郡與副宮陳德安  
止座李興榮壹乃心乃議土木事副宮宋慶中都監毛君  
錫監官員景凡為之佐而太玄公亦施舍助二木費繇是大  
殿法堂山間北應制益窮而大廊廡庫道堂客館凡若

千楹無不一之完美三清聖像莊麗雄偉父老瞻仰噴  
稱慶以為前此無有也公又捐私貲建大方丈壘石為山  
鑿泉為沼蔣花種木鶴飛鹿走恍若世外扁之曰小蓬  
山翰林陳公旅嘗為之記後至元丁丑被旨玄真人住持  
回領本路諸官觀公字元甫號玄圃美丰儀其氣岸凝重  
時貴人皆屈膝禮之蓋有公輔之望而在為山林之主者也暮  
年舉太乙宮黃公崇大以目代遂告老公當我馬函數之  
際扶植教門安於按堵亦可謂善守成者追念史公於宮  
門有再遂功而廢興歲月未有紀道監官葉文誠備事  
狀顛末來徵文既為約狀書之又繫以辭曰

二馬渡江一馬龍 東邸觀闕森開張



穆將祀余感生皇 渡以燦怒威靈印  
 十一景緯生寒芒 天人南下南斗傍  
 朝與龍飛暮龍翔 翠蓬三度黃塵揚  
 靈宮特立天中央 湖眉海眼東西望  
 地柱不傾天乳長 黃須仙伯古冠裳  
 龍腦寶藏聲琅 上清淨掃赤尾鷲  
 六龍在天天下昌 山君海孤紛來王  
 南極上壽日重光 碑畢  
 銘

寶儉堂銘 有序

寶儉堂者雲間呂輔之氏之祖室也或謂輔之去其祖之

家不遠祖之邾家由儉得之草衣蔬食汗尊環飲之所為也  
 故輔之命堂以寶儉云楊子辯之曰不然也昔子華子嘗與  
 晏子論古昔聖之儉不以堯之居士階舜之不用塗絲之器  
 為儉也而以儉在內不在外推其至極于心居中虛以治五官  
 精氣動薄而神化為滴節其所受而蓄其所以出然後神  
 宇泰定而精榦不搖此聖人之所以為儉而為聖人之室也然  
 則輔之者傳其先之儉也將以草衣蔬食汗尊環飲之為乎  
 抑將以聖人之節所受出取蓄神宇泰定而精榦搖之者為  
 乎輔之求聖人之道者也將有擇於斯矣不然計口而食  
 視入而去操贏而制餘以庚氏商賈子之所為之寶儉也則  
 子華子之所斥矣輔之問辯曰善哉先生之言吾儉也徵先生

吾為夷貊之人烏得造聖人之域也其請銘之曰

草木蔬食儉之粗嗇出節受儉之精叶我思古人居中以虛五官既治萬物受奴是為大寶金玉弗如小夫之志不出里閭又何拔異乎計口而食操盈而制餘者乎

穀齋銘有序

孟子之言穀致知力行之律令也射命中致知事志於穀力行事也致知力行為兩輪車不得偏而廢也唐處敬甫命其子之淳脩業之室曰穀蓋以知行並進之功鞭之求銘於鄉先生楊維禎為之銘曰

一拙失百巧廢知不可以不厲 百中滿一中闕力不可以

不竭也巧之精貫虱力之滿飲石豈推飲石擊孤落日於唐生穀其率

裘生楊齋銘有序

古者衣制凡裘必有褊以柳裘之露而見乎美者也裘而無褊與及衣狐白者等犬羊之裘不褊以其無文則褊主有文飾之事故曰君在則褊謂施於君所也吾門裘生某韜晦于一室而以楊名齋母乃不類歟蓋有志於事君之文者矣雖然楊非徒表文也表敬也敬有二父也君也而體異也子於父以質為敬故父母之所不褊臣於君以文為敬故君之所褊某人父母俱喪亡質之以為敬者痛無所於施而文之以為敬者將移之於君焉耳抑又聞褊必冢裘

文裘狐白則褌以錦之素裘狐青則褌以緇之方喻諸內也  
有大人之文則大人文褌之有細人之文則細人之文褌之由  
中達外各以象比不可誣也然則褌也者其又由外以內之  
歟君毋輕肆其褌也銘曰

錦而綱非文之屏惟綱而後文益炳表而褌非文之的惟  
褌而後文彌稽惟的日七惟稽日章惟褌齋氏敬之勿  
忘

自然銘 有序

雲間沈仲參氏名其燕處之堂曰自然又以自然道人自號也  
乞言於逍遙叟逍遙叟曰老聃談自然以理有至分物有至定  
極甘莊生推之為逍遙小大任小大長短任長短而物無不得

其所其然者皆莫知其所以為自然也無為者與化為體上和  
造物之無物下知有物物之自造也非此無以明自然故老莊祖  
自然使世之皆婪躁妄一安乎自適而詣乎定極此自然雖然  
知知一官德微一國者亦有自然故堯舜與許由雖異其得於  
自然一也參由自然而得堯舜於塵垢秕糠之外其詣極如籟  
姑射之神人則可使戎之人脫出症癘而躋乎春臺含哺而治鼓  
腹而嬉國忘乎忠烈家忘孝慈子之自然者至矣參曰吾方有  
志於是願從先生遊庶見堯舜於塵垢秕糠之外予無所軍戎  
事為逍遙叟信其志為之銘曰

理無小大物無長短 理與物付 物與我忘 推其極也  
物不症癘我不天殤 子不信者 謂吾言狂 子將信者

吾特與汝訪四子於顏之椒汾之陽也

莊子逍遙篇堯治天下之民乎海內之政往見四子  
顏始射之山汾水之陽四子王倪闔缺被衣許由

甕牖銘有序

龍西耕者李氏中其先宋三省幹之後中去其先之高門閣退  
築州堂松之七里淫為耕讀室：凡十楹築戶繩樞北東西垣  
皆甕牖中每風起引東方明於甕次讀古先聖人遺書：已  
出理耕事日為常有過而哂者曰中弗先虛而甘為甕牖  
繩樞之子歟中間而益喜遂自號繩樞子仍以甕牖命其室介  
其友錢彙來見曰古者戶牖必有銘今辭弗古若不足以起倣  
幸先生有以銘予異其人曰繩樞子今之人而有古之道者歟七  
幸生華夏有宮室之後又幸生高門縣簿之家而遠返古初

甕牖是居非悠然有德造物而立於獨者不能一日安於自如惟其  
然故舜章氏之圃軒轅之圃有夏氏之宮湯武氏之室彼且能  
使我忻々然而足歟不也世之傾宮室危臺榭直昧者逆旅焉耳  
豈徒逆旅有怨階既雖滅身覆族不寤豈不哀哉此甕牖之可  
銘也銘曰

龍之耕芳草之堂甕之牖方朝之陽曦之入方煌日月之燭也  
陽阮天之刑民方峻宇雕牆天之牖民方壺室之白泰宇之  
光

心太平銘有序

予自壬辰兵興來遭罹死地者凡四五然今年以淞府長顧公  
之招客予于府庠退處一室顏之曰心太平人恆之顧公是

之曰昔香山居士之詩自謂我是羲皇代先從心太平居士嘗  
歷險難身獲平太而未獲平先生歷險難身不和平而心寬平  
焉予諫之曰他人有心予忖度之子謂之也因銘室曰

嗜割爭 絕揖讓 尔一身 天地長 心獨游 在義上

安順齋銘有序

杭之城東隅有鄭老人號虛原年八十餘時過予諸子百氏取研  
極乎漆園氏之旨故其燕處室委順屢徵于文漆不能不委而  
沈於人乎又曰安時處順哀樂不能入也此吾人之委順也歎其  
旨為銘曰

地不洛楮 天不蓬蓮 順不吾委 違地違天  
順一吾委 萬物自然

初齋銘為復初鄭茂才作

水初惟清 濁為以撓 木作惟直 屈為以拗 水復其初  
其清可澄 木復其初 其直可繩 維榮易子 反求厥初  
旁歧勿惑 下流勿居 上智下愚 天淵遼分 里欲之隔  
不能以寸

止齋銘為至善王茂才作兩生皆俞參門士

忠以事君 孝以事父 朋友有信 長幼有序 各極其止  
是曰至善 舉類以推 其則不遠 惟文中氏 明爾明德  
爾修必清 爾踐必力 書曰安止 詩曰敬止 繇敬而安  
希聖在之

不心不佛銘有序

予嘗與師論心師曰儒以道言心又以人言心是二心也不如吾釋  
氏言心以法吾曰汝祖言即心是佛又何有法師曰吾祖又云  
非心非佛則心亦無有天台師不云乎任汝非心非佛我即  
心即佛吾曰天台尚與佛二我國曰任汝即佛我却心不佛  
師因時起曰鏡冠長老於我祖具一隻眼遂命其禪所曰不心  
不佛而俾予銘之銘曰

佛莫名 心莫名 與道冥 冥無名 我為銘

近浮屠有以五道鼓世俗號天界某者士大夫安其志而不  
之攻勢且稱緇相國師危坐至前元嘯某師在一人上者此  
不可杜其秋漸也不心不佛師疏於上必斥絕而後也故吾  
以師廣長舌有回天之力矣止昔人推倒回頭趨翻不化

者也

### 陸道士息踵齋銘

南華真經謂真人之息以踵取其息者深而細也深而細  
者必從根極中出踵是也此古真人心齋郊也方伎之流  
習閉氣為胎息者未矣圓覺經云息調心淨蓋亦得而  
旨者茅山外史弟子陸中氏以是名燕處之室鏡管道人  
為之銘曰

氣尊和 體引柔 心貞白 息靖幽 盃馬春

梁為秋 一喜一怒四時游 是曰真人流 惟踵之求

尚德齋銘為胡道士浮休子作

爾祖著經尊九流一德授受長春丘長春丘後為計籌雅

而容計籌弟子今浮休在牝有得天同游五千之言俱贅  
虎幽閑相見西青牛

維子文集卷之二十三

東維子文集卷之二十四

神道碑

會稽鐵屋楊維禎廉夫著

元故中奉大夫浙東憲楊公神道碑

公諱字元誠姓楊氏系出漢震後五祖某自娶遷杭遂為  
杭人祖榮祖宋承信郎鎮江都統司帳前提舉父昌宋邳  
州萬戶府經歷今贈奉議大夫樞密院判官驍騎衛追封  
錢塘縣子公生而警穎長而玉立長身紫髯如畫天麻間  
自奮如京師受知於中書平章政事沙刺班大司徒之父  
文貞王偕見 上于奎章閣論治道及藝文事因命公篆  
洪禧明仁璽文稱旨使備宿衛署廣成局副使特賜牙符

珮出入禁中寵遇日渥擢中瑞司典簿繼改廣州路清遠  
縣戶 上愛其廉慎有深沉之思留之嘗謂廷臣釋迦班  
曰楊瑞有謀事必咨之行時秦王伯顏柄國一日挾太子  
縱獵上林上嘿首窺陽春惟資公密謀禁近臣皆不預聞  
拔去大慙如別朽蠹朝端動色亟求識其面以為異人以  
功超授奉議大夫太史院判官繼升同僉院事賜金帶一  
貂鼠袍一公在史院曹局有以景星見請 上聞公持不  
可曰使天下共見則為不欺越九日太白經天奏眾如服  
其有見 上嘗從容詢公南土所居公對以西湖葛嶺之  
勝為酒宸翰書山居字未幾給告以樹勅賜贈考樞密公  
墓碑即日歸、山掃迹城府者十年人不堪其淡泊而自

裕如至乙未中書奏公舊勞起公行宣政院判官時江  
東浙西盜羣嘯乃改建德路總管建德古嚴州：在萬山  
中屬邑淳安又連歙境賊曰歙關我界而還者疑長樂鄉  
民為盜謀者執以歸諸獄連數百家民益詢主帥者謀往  
捕公不可曰虛謀者知倘因疑枉鼓眾亂賊得乘釁突來  
悔焉及我請撫之果不測當任其咎遂肩輿從數隸直抵  
淳安邑人嘗厄官軍抄掠已呈：散居山谷間公載米二  
百石聲言賑濟使縣令馳以諭明日師調兵來公禁止之  
使侍命乃動擅動者如軍法長樂去邑二百里今至布公  
意民皆歡呼持牛酒來拜公：喜曰吾固知民不吾負即  
由階師者還公蒞郡視之如家民亦視公如父母自江淮



驛廢嚴為通道寔於供頓公信今畫之用給而人不擾持  
戍過軍之跋扈者皆服公信今田里不聞叫呼隳突於是  
像而祠碑而頌者凡十有四所前良二千未有也時公年  
已七十有三累請老丞相達識公數使勞之公卒謝事去  
是年行省奉制邑浙東師起公辭去松江之霍砂行省最  
公功上中書升浙東道都元帥進階中奉大夫公不起則  
以半俸休者焉所著有山居新詔山居要覽行于世公生  
于至元乙酉四月某日歿于至正辛丑七月十八日公長  
物琴劍書外無銖金斗粟貧無以為葬閏八月六日兩浙  
漕使夏公敦友義力賑其喪復返柩杭之葛嶺先塋之次  
公娶某氏次娶高麗氏子男六人長埴次垌垌培埴垌

公卒女三人長適鄉貢進士應才次適瞿彥俊次適懷遠  
大將軍同僉浙江等處行樞密院事俞忠孫男六人孫女  
四人某於公為同姓昆弟詳其出處行實諸孤哀哀請鄰  
次泣拜請銘義不容辭銘曰

人疑弗決我以籌人懼弗前我以趨叶彼爭前競決我  
止我糾去權奸如贅由口方物泊乎其不留於乎今之  
人古之求我銘其人孰與傳

墓碑

故處士殷君墓碑

殷子姓以國士逮宋避宣祖諱別族太史為戴氏者君之  
先也及君而宋亡遂復姓殷氏諱澄字公原華亭人宋朝

請君某之孫節幹君某之子司法君某之弟也君家素饒財節幹君所好施著于其鄉每大雪淫雨必載薪米遍乞寒餒人死無所歸者為具衾槨寔之衆目之曰殷佛子娶鄉邑進氏女得丈夫子二君其季也君狀貌魁梧美鬚髯性介特平土無宿諾人有急不一計親疎周之唯恐後衆有所爭來直于君得一言明曲直即謝去不復請更有田若干悔終歲所入盡以贖人事苟涉大義雖委身不問至元間天兵下江南將軍號楊掃地者帥偏師入華亭君特避地南錢南錢抗保聚未肯下楊怒業以共殲之君奮曰我其可無一言而死乎我死今日否亦今日遂扣軍門求見大言曰夫民猶水也水順則流逆則激民順則寧逆則

亂劫郡縣新附民心未安將軍獨不能撫綏招徠以稱上神武不殺之德願欲盡勸斯民何辜楊怒甚手劍斥君君復正色曰殺我一人活千萬人我死猶生也語益激烈連人其裨將有感君語者起而阻之而楊亦懼服于時民全活者以萬計咸涕泣羅拜曰公於我生死而肉骨也願歲時伏臘祀公于社以報事聞丞相伯顏公義之遂用便宜授君華亭都總管便守其地君即棄去曰大宋氏亡吾以親不亡獨不能逸乎遂服野服隱居香浦上時：領客放浪九峯三泖間愜愜懷古日夕忘返慕其人者目為泖南浪翁君聞之曰甚善名我因亦自謂泖南浪翁云烏乎代之強仁暴義者不少也而多逸于野太史氏又缺焉不書

是為善者終無以勸也君沒幾五十年而未有表白其事者猶幸其概在人耳目者卓：未泯余因著諸所聞為論次之便後有過其墓者得以知君之為人若此庶幾為強仁暴義者之勸哉君娶會俞氏女賢而無子先君一年卒又娶永嘉陳氏女生子四人曰膏曰厚曰誠曰諤側室生一人曰某孫男五尚質尚節尚白尚功尚賢生女五婚曰吳郡顧諤吳興沈斯千宋諸王孫宜樞同邑倪乘吳郡章禮曾孫男八陞奎壁堂塾塾聖聖女七立孫男二君生於宋紹定己丑六月二日享年七十有七卒于國朝大德乙巳九月某日葬于華亭縣香浦鄉五保謝家原合祔俞夫人之封後十四年而葬陳夫人于其域又二十二年諤乃

樹石墓門而會凡楊公為歿而銘之其辭曰

仁之言利既博叶仁之行聞卓：天一死質萬殤棄黔秩不以償北強以兵叶南義剛若斯人者殆南方之強非歎嗚呼斯人吾言不亡

改危素桂先生碑

信之龍虎山為漢天師張氏之學者恒千餘人具卓犖瑰奇之士亦間見其間若桂先生者是已先生諱義方字心淵世為信貴溪人母先生時夢李淳風寄宿因名李寄長從上清宮熊尊師學元貞元年從天師張公朝京授蘄州道官歸而散其衣資飄然有遠志周覽名山由武至廬夜宿太平興國宮龍出屋後無犯先生居蜿蜒辟易而後去

數飛躡曾岷與約同行好事莫能蹤跡之雖人有見之山  
南同日又有見之山北者山中人酒熟曰願安得桂先生  
飲之俄先生至欣然就飲所飲者家以為吉徵尊官顯人  
過江上者咸願見先生先生不見人莫測也江州守某  
乞詩惟書一閑字與之踰月以事去官先生率意成詩書  
座右 多做世絕俗語有金蓮頭者居聖井山先生致  
書封題甚謹登之白紙耳金大嘆曰至此果無說矣道  
士吳季誠作渾淪菴迎先生居之先生嘆曰明年吾當歸  
矣明年至正元年正月朔備然而逝越三日山南北道士  
奉道蛻葵諸聖治峯麓道士方從義為予言先生之族有  
公武者號抱甕先生得仙術卒葬分領中夜家聞有聲詰

且視之但空棺耳有仲勳者號閑：子通內外與與丞相  
陳福公為布衣先生之死與信號然：子學道終南山誠  
口不言升座而化三日容色不變豈其山川之所鍾然也  
耶予昔游潯陽見先生聽其言無過高難行之論吁有道  
之士哉銘曰

柱史度關騎青牛 五千遺言增隱憂 更秦邈漢習  
益齋 燕齊方士相呀咄 道人隱居恒內修 漆園  
尚友天同游 一朝委蛻去莫留 太史作銘表其址  
墓誌銘

故忠勇西夏侯邁公墓銘

君諱邁里古思字善卿西夏人也曾祖月忽難祖也失迷

俱不仕父別古忠官於杭生君自幼有奇氣善擊磚技既  
而自悔曰伎勇有敵聖賢之學無敵也遂從師通詩易二  
經以詩登進士第官紹興錄事長槍氏市馬紹興挾苗兵  
為佐白取餘食市間不問苗真偽咸拘囚之傳其爰上省  
李官時苗長虐令如火莫孰何文有省府千夫長與羣攝  
帥者根株為奸利抱苗長文告鉅結束徒大姓家且縱苗  
白日什伍鈔民君下約民曰人怖銀亦怖人狼勿殺食  
人爾錄長無玉帛狗馬身及赤口四耳誓以家徇殺根株  
鈔民者民皆俯地雷應曰惟錄長君命夜交乙君躬率民  
兵殺苗不遺一雉盜起發牧溪洞君以大夫命領所部抵  
洞賊問官軍姓曰邁某也皆倒戈請罪君收撫之不血一

刃府命據蕭邑私聚民糧贖民貨效民土田聞君到邑怖  
而遁去又明年西寇犯浦江君率兵至諸暨寇望風遁領  
臺命守諸暨召借糧於民下令會府民無受令者君班師  
郡城諭以文告民輸糧者縱屬不絕功無堅敵守民如子  
令無不行被首經歷江東憲府事瀕行民哭泣擁馬首不  
得行時海寇勢橫甚虎踞城江君奮不顧身為士卒先追  
迫其人於數百里外大鄉在南端覆石海勢洋浮宴君陰  
畜健兒戶下袖金字羅擊死之屍瘞戒珠僧院民皆麻衣  
跣跣徒以萬計贈官中大夫僉江浙樞密院事謚忠勇封  
西夏侯君嘗謂曰吾死使君子題其冢曰義烈墓文必賴  
直筆者傳、無出會稽抱遺先生也若識之今不幸隔死

地先生嘗以其人入錢史編收吾名足矣予為之泣然湏  
涕曰大將滅乎狂醜也使長城君也生天未滅乎狂醜也  
長城君溘先其死。又非地也夫之生才其有以乎無以  
乎吾無從而吁也悲哉銘曰

吁嗟乎善卿生也者吾不知胡為而生死也者吾不知  
胡為而死生不冊籍棄仕不四年而名長方記嗚呼解  
豕折角方麒麟路趾豕突西嶽分鯨翻東海已乎善卿  
爾果胡為而生又果胡為而死

故翰林侍講學士金華先生墓誌銘

先生諱縉字晉卿姓黃氏其先自宋太史庭堅之後父昉  
繇雙井家浦江後遷義烏遂占籍焉曰伯姓者先生之高

祖已曰夢炎淳祐進士仕朝散大夫行太常丞兼樞密編  
脩官者曾祖也曰聘以進納思補承郎即今以推恩贈嘉  
議大夫禮部尚書上輕車都尉進封江夏郡侯者大父也  
曰鑄今贈中奉大夫江制等處行中書省叅知政事進封  
江夏郡公者父也中奉公元出朝散公外孫女王氏歸丁  
應復之後嘉議公疾廢育之為子也妣童氏追封江夏郡  
夫人夫人任先生時綉湖水清厯世有四日夜夢大星煜  
煜然墜于懷公始生至元十四年之冬十月一日也此成  
童不妄踰戶闕授以書矢口即成誦年十三屬文作帛諸  
葛武侯文為鄉先生劉公應龜所奇因留受業大德五年  
舉教官舉憲史已而復棄之多忤上官去延祐元年貢舉

法行縣大夫以生克賦古賦以太極命題古賦以極命題  
場屋士不能為獨先生以楚聲為之遂冠場明年奉大對  
授任郎寧海縣丞江浙省臣承制遷石堰場監運等秩  
滿陞從仕郎諸暨州判官至順初用薦入為翰林應奉進  
階儒林郎丁外憂去秩服闋轉承直郎國子博士閱六年  
請補外換奉政大夫江浙儒學提舉時先生年始六十有  
七不俟引年以侍親疾絕江徑歸俄有旨預備遺金宋三  
史丁內憂不赴服除以中順大夫祕書少監致仕久之又  
被上旨落致仕仍歸階除翰林直學士至京中書傳旨擢  
兼經筵官召見慈仁殿薦陞中奉大夫侍講學士同知經  
筵事明年歸田里不俟報而行上聞遣使者追復前職又

明年始獲南還閱七年而薨享年八十有一莫縣東北三  
里東楚之原娶王氏將仕郎桂之女封江夏郡夫人未一  
年卒男粹用廢入官忠顯校尉同知餘姚州事女清適忠  
州學正陳克讓先生位至法從蕭然不異布衣時又寡嗜  
欲年四十即獨榻于外給侍左右者兩黃頭而已遇佳山  
水竟日忘去形于篇什多冲淡簡遠之情然性剛中觸物  
或弦急不可犯少時即泮然無復停礙與同鄉柳太常曾  
為文友風節文章在柳上人呼黃柳其論著依據義例致  
授的切在禁林三史惜以憂輟其修后妃功臣傳士類服  
其精審經筵處講文皆切于治道之大者晚年喜為浮屠  
亦研極其閑澁之說請者盈門厭亦塵之去其為文表裏

書序傳記贊說誌銘凡若干篇曰損齋葉若干卷義烏志若干卷賦若干首於乎我朝文章雄唱推魯姚公再變推蜀虞公三變而為金華兩先生也五峯李孝先嘗與予為兩先生評余曰柳太常如東魯杜翁課閭閻子弟言：有遺事黃太史如獨爾道然初不諧眾響至趣往繼弦激絕之音出於天成者亦非眾音可諧也孝先以吾言為然太史攷文江浙時余辱與連房卷有不可遺落者必決于予在杭提學時謁文者填至必取予筆代應且又不掩于人曰吾文有豪縱不為格律囚者此非吾文乃楊廉夫文也自京南歸時予見于天竺山謂予曰吾老且休矣子宋絕耕已白於禁林宋三百年綱日屬之子矣嗚呼今亡矣

吾終不得為公史自徒矣悲夫因其鄉生浙西道康訪司僉事鄭公深出具徒宋濂狀求予銘遂悲而銘且悼喪亂未得謚于朝與其徒私謚曰文貞先生銘之辭曰

大之星煜：兮繡之水穆：兮文之毓兮大星翳兮繡水壇兮文之逝兮惟文之鳴兮大音在廷爾鏘爾亮兮我瑟我篳析之粵兮會之咸兮氣一井兮有元氏之聲兮吁嗟今嘿：兮孰見古人之風：萍響以工駝兮膏吾車其曷從

有元文靜先生倪公墓碑銘

代歐陽先生作

主間房小高公克恭在南端時為天下士五人曰教公繼翁鄭公文原陳公康祖倪公淵姚公戎天下謂之五雋鄭



公官立法從教與姚卒官文學倪公晚始以縣大夫引年  
然皆以文行相高論五雋者不以位之崇卑優劣為立慕  
五雋如慕古人而倪公之孫璣奉公之門生鄭汝原所狀  
行來謁銘其墓立忝論選之職銘公何慊亦何幸哉公諱  
淵字仲深其先後備人出漢御史寬裔五世祖南金以武  
弁仕宋從其君南遷因家錢塘四世祖某又從家烏程故  
今為湖州人曾祖俊民弗仕祖椿年路分兵馬監押父守  
貞自號愛山處士以公貴贈承務郎松江府判官母濮氏  
贈恭人公生而卓異精敏絕人讀書過目輒成誦嘗則前  
人之勤以自課命其書舍曰經鋤長遠通五經尤精于易  
三禮初用薦者言為本郡學錄及高公以五雋並薦於朝

未報而行有調公杭州儒學正江浙李憐吉歸平遣子從  
公受學且移文中書舉公可教國子而中書已擬臺章所  
薦五雋各補郡文學乃升公為抗教授在抗學復田之曾  
沒于勢家者若干畝新學舍造祭器撤上丁俗樂訪得宋  
太常樂工兩人俾以雅樂教諸生曾監聞之因招致而學  
工為國子樂師今諸郡學皆作登歌樂者實自公倡之中  
書左丞高公昉又舉公編修官以親老辭乃授本郡教授  
以便養未上丁外艱服除在湖學做安定舊規列經義治  
事齋以惠來來者為立生祠公移正之不得窮往撤之  
用累致入流得當塗縣主簿時長官皆以故免去獨公理  
縣事縣版籍不明公手為分劃編次贖若指掌二稅始如

期而集歲早民吉史慕長斥去所上狀公曰錢穀國計民生國本理末而發其本可乎語不合投劾去闔府駭然遣吏遮留之一以檢數委公民賴以蘇縣前以沮格久之公備得舊田立復曰為塘和州民有田在縣境猾民與交易券成而負其直訟則勢券折之官莫能下至是越江來訴公探得猾者情始懼率以直歸之民立異姓為後者所後父母且十年有同姓而非族者依倚前官年其產至給帖者左驗民直于公曰按摘其証者數事盡灰所敎部使者元公承負至郡廉公德政曰吾按太平池州得良吏僅當塗主簿而已遂薦公可上縣令而公已無復仕進意告老而歸受加恩承務郎杭州路富陽縣尹致仕既老于家

林門罕與人士接蓋潛心於易著易集說二十八卷國說敘例各一卷病革之夕猶置易于几案諷誦之語其子曰死期至矣夫復何言須臾修逝至正二年夏六月二十九日也年七十有八娶鄭氏先十八年卒贈蒸人子男三人長驥已卒次駿松江府儒學教授次駉女二長適楊福孫亦已卒次適陸元瑾孫男六長琛用公為紹興路錢清務副使次璠璋瑛璿女三曾孫男二女二公昆弟四人伯叔季俱蚤世叔有遺孤甫四歲撫而教之踰于己子伯季皆無嗣則以駉駉為之後駉等遵治命以其年冬十月某日奉柩烏程縣德政鄉毗山先墓之次學者私謚曰文親先生韓子曰位不稱德者有後公盛年以後稱於時而官

僅佐下邑非位不稱德者歟和其後之必大無疑也銘曰  
先生之氏自漢御史經鉤有堂探易詠禮吁嗟先生  
蚤有令聞五僞回稱爭翔競奮宜位館閣歟唐頌虞  
大道甚夷先生徐之白首窮經覺我後覺晚佐一縣  
亦展所學鄭公註禮註禮益精焦氏治易治盜有聲  
位不德滿時人所惜君子處之惟謙故益益不在身  
在其子孫史氏有撰貽厥後昆

七兄雙溪書院山長墓誌銘

君姓楊氏諱維翰字子固自號方塘越之暨易人曾大父  
文伯號佛子子未子為常平使道楓川聞其名請見與談  
論竟日反遇其人移所患瘡安易韓先生某為述私傳大

父恣父事皆有德德鄉里推長者母同里劉氏君生至元  
甲子正月二十日父嘗目之曰是子生有神氣長必大吾  
宗時伯父實以倉使歸老子家禮聘名儒若東泉陳先生  
某洞西馮先生某為之師從父山陰縣封宏叔父贊皆喜  
讀史君與維頓攻學無寒暑抵夜以漏分為度睡則以水  
沃面君於經子能以疑難詰其師會其解而後已辨史至  
祭節運柱兩叔父長作文著三蘓字帖喜雙并黃氏每讀  
上韓太尉書擊節慷慨日不讀此無以發人浩然之氣朝  
廷貢舉法行維頓中進士第君以文過其屢為有司枉遂  
並仕郡文學初帥府檄為慈溪邑校在職不事瑣屑惟推  
經術贊縣長為治后遷天台邑校先是維頓尹茲邑稱弟

子者安普大許廣氏君至先以作人為任時安許氏皆擢  
第歸事君猶師焉造子弟及邑俊秀博經者百餘人邑士  
語曰小楊君政不忘大楊君教重光考滿陞饒之雙溪山  
長郡守韓公壩素聞其人一見即器重稱其文議論高古  
有氣馘可畏尤愛其詩有大麻體無幾保荐于江東分憲  
業用而以病卒官舍時至正辛卯正月十三日也君素肆  
直無衣襟衣不事兼副被服恒如寒儒未嘗少降辭色希  
悅千人所居州里有公議白論裁可否不合中辯不休不  
為權力屈時人稱曰古之遺直者晚年遊戲墨蘭竹石極  
精妙與至即禪洒侍筆札者給帛之暇人求者無貴賤志  
為作時益辯博士柯九思自以為弗及推曰方塘竹去尤

好覽天文及天下名山川形勢有所得則述為歌詩人爭  
誦之號光嶽集攷經有樞濟錄書畫有藝游畧君男一善  
孫男二樹河女女孫一君嘗戒善曰女父玷枝官女叔擢  
上第女母鄉先生虞雷氏之孫也女弗學振吾家聲吾弗  
子幸今善苦學有志操吾期其有成克應先訓君年五十  
有八死一千里外善能不遠水陸力護柩歸舍以是年十  
二月甲辰克葬于長寧鄉馮山祖塋之次從先志也越明  
年某月日善至吾錢唐官次泣且請曰先君不幸制奇數  
年不周六甲官卑無治狀具器業文藝又不得善文言者  
為之章顯地下重不幸善重不孝代之善立言者善未聞  
幸叔父勿讓銘吾先君維禎為懷然感涕敘其概而銘之曰

子將不斷聖不以稱不利驕驥不馳遠不以稱不力於  
乎伯也言為世格行為世則不大祿食以放厥我於乎  
伯也窮居大行獲損與益吾與伯也誦之曰矣吾又何  
計位卑與崇壽進與迫耶

故義士呂公墓誌銘

公諱直佐字輔之姓呂氏世居淞之呂港大父德謙父允  
恭字萊翁皆隱德不仕公早穎悟讀書輒強記了大義長  
儀字魁梧器識才幹尤係人望咸以輔期器之以其出太  
公望：嘗釣德瑣人識其港曰瑣溪號公曰瑣溪處士性  
至孝養母謝氏養與禮不且暮哀母疾身不脫帶者三月  
久不瘳禱以自代母卒哀毀終喪制闋邦大夫挽之任弗

起然政有不決者必咨之郡饑有司申明發粟公笑曰必  
俟明降而賑民享矣宜先解粟富民俟降以償則富者無  
廢粟飢者獲全生郡善之貢舉法聘碩師教子復出厚幣  
為賞試曰應奎文會曾時好學者建義塾收而教之金華  
黃太史縉嘗記其事兵興來總兵淞者聞公才傑至枉駕  
公虛與語大悅即板摠公華亭令公請以白衣議事却板  
授總兵蓋賢之置曰義士俾自集白甲保障其竟時公已  
散財收死士三千餘人適斥鹵羣不逞乘亂起烏合孫毒  
甚公徒釋棚走不動官徒一鋤弟指授白甲用水火舸取  
其魁如利獮取鰲羣從盡載竟賴以安者數千家總兵者  
問奇功公曰醫侍錢砭理疾而小巫用精籍亦理覆進其

魁傑于兵曰天下之物莫毒于雞而醫家珍而用之總兵  
是其言轉無俾為精兵不勦淮兵難渡王師者辟公幕下  
力拒不就維取其子恂判海鹽時浙垣首相以承制除拜  
遂教授今佐鄉郡又力亂私謂其子曰時乎庸才高枕而  
有餘時危豪傑運籌而不足非蕭鄒侯陶治漕韓淮陰曷  
謂兵而魯連子昌出沒亂世而裕如也吾願學連子而已  
耳又喟然曰日月剝矣昭然有不奈者江河壅矣浩然有  
不竭者德子其侯之公好義出天性里有飢困之婚喪助  
之四方大夫士歸之者歲無虛燕來贐柱靡厭勸得美譽  
湖海間呼為松上曰文獨不賢吳端之學繼黃者接其人  
而不談其實術其高情曠識獨立物外者人又莫能窺雁

世難漢謙享自若與知己飲酒率過兩夜極起自舞鼓  
吹筵復飲不亂平生少疾臨終無一語及後事但曰吾年  
六十有五不夭已又幸不死巨測復何憾生元真乙未破  
至正己亥娶高氏征東萬戶宣武公孫女也子二長恒次  
恂女三孫五克閔復亨恒子也宗齊宋嶽宗望恂子也冬  
十月辛酉英潰之北原先遠日恒衣衰抵于杭次舍泣而  
舍杖拜曰先子不樂仕無治狀而義行在鄉善言在家在  
邦者又不得名能文屬比于志不孝在後嗣奚贖先生恒  
師而先子大宥也幸哀而賜之銘吾為泣哭救汝以銘念  
古衛公叔文子之謚君子避其負惠今松人飢而夫子有  
賑粟不負乎其二善而不祿命宜謚曰貞惠云銘曰

陪車無仲尼覆舟無伯夷義以勇卒全以歸曰貞曰忠  
匪謔予私於乎嘻莫尊乎野而位者覆車墮之浙粟之  
垂有過其墓而慕其人者語吾銘詩

字元卿墓銘

元卿名字顯忽都國族也泰定四年阿登亦榜賜進士出  
身以其官二十年官至江浙省宣政院判其為人有氣節  
在官以廉直稱遇事善持論裁人倚為平權第後盡合所  
為文博極經史諸子百家古詩人騷選樂府歌行出語務  
追古人至正壬辰紅巾寇亂江南元卿官歲滿以本省檄  
起總制浙之三閩理戎職嚴有風采薪賦有歲草間者  
必游繳得七必劃珍俾無育邑安集邑遺民之倚之為

藩衛歸之如父母閱三年忽以謫去官過杭見余無幾病  
風竟不能出語卒于台某所踰月其子武童與其門吏  
始計余草葬某台山微墓銘余與元卿同年不得辭銘曰  
十夫探隄妻至授機一諾所畏無翼而飛卒至於葬而  
病之而嗜之而死也吾子元卿乎何悲

歐陽彥珍墓銘

君諱公瑾字彥珍其世出廬陵宋文忠公修今翰林承旨  
方功從弟也祖某封某官父某不仕君自幼警長通經  
術方及書數兵刑之法試藝于有司不售憲府才其人舉  
為司書不數年擢行中書考滿都事浙東即府任掾時執  
政者多任己喜怒不以民害利為事君抱卷執議未嘗少

阿法當而人利者必累請必行後已不當雖受怒為必格  
事有它掾不違行止者必行上於君其在帥幕建議以伏  
海魁當以長使久莫不宜試小計現小利以為功又某官  
恃文事往喻廷君力言不可喻幸小順乃大恭不順即不  
順喻者必死為大國辱已而果然嘗建平海策若干言主  
帥者不能用請辭職歸養太夫人不可鬱成疾未幾以太  
夫人憂去職執喪如礼法制閱遊中得疾友家歸卒于  
杭君娶閩王氏宣文檢討餘慶女弟也子三人長太平次  
某女四人皆妻名士臨終謂其子曰吾結貴人多市道惟  
會稽楊某為吾道且為古文名東南汝往請銘平服練采  
以道命泣而請銘曰

在家溫：在官墳：墳：有法溫：有文故家為孝子  
官為幹臣幹曰必了不了嫁婚幸終其親其又何克

趙公衛道墓誌銘

公趙氏諱蔡字衛道號素軒居越之姚江宋兼懿王德昭  
王之十二世孫曾祖希泰宋朝議大夫知衢州軍州事贈  
大理寺丞祖興宣宋朝散郎溧水縣尉父孟佑宋朝散郎  
慶元路沿海制參贈太府寺簿母恭人董氏先係五世祖  
太師諱師龍長孫孟尊之第三子也寺簿無子螟之公博  
學于書無不讀：必有論載學成無所於試大德己亥江  
浙儒司舉為昌化教諭轉桐廬教諭由年勞陞饒之長蕪  
書院長溫之宗晦書院元統甲戌受牒命教授温州越五



年教授常州在處學校有濫給廩給者必首沃之以其膳  
膳儒之老病殘疾及貧無依者早年微家資結交先達凡  
上文與琴書律麻醫藥陰陽者家皆館食西廡不以歲月  
計士及告急度家即盡如所請與之致空囊不問酒壺量  
能倍斗酌次為古歌詩聯重沓韻對客可待嘗與友飲大  
醉梅花樹下曰梅花獨不能飲乎急呼酒用太白梅澆其  
根且為問梅辭又為代答辭平生所為詩無慮數百什名  
素軒集若干為公生于某年卒于至正四年六月五日享  
年七十又一明年妻于姚江雙鴈鄉之原孤子若持其敘  
叙伏詣門泣道道命求予銘予以蚤歲托公忘年交義不  
得辭遂銘曰

王之孫降皂閣君為孫而文詩英酒聖友有神大樹勸  
汝海白樽歸大樹羅之村

南容教授杜公銘

善統云銘首論者吳先德之  
善功烈度賞聲名于天下

予友襄貢士曰章嘗將其子杜友直來謁曰此南容教授  
曾孫其仲三而續文脉南容者直也聞三年直以南容公  
行狀謁予松江次舍吾祖任不火無功狀爵名可書然德  
善在鄉有足示後者直太父父不獲登先生門直獲登焉  
而先生賜銘曾大父大父晦先德者庶直足以贖之于  
聞狀證之以鄉父兄之言則知南容長者也人至以三杜  
姓其村其教澤淑于人者淡而義行範于人者遠也初季  
父某無後螟莫姓子齒幼復以公為後季父致俟螟齒長

以家產歸之而復冠娶待之不異同出皇慶間其族困于  
里經公倡率義役曰歲儲粟若干給之隣里姻友不能嫁  
娶喪英國之各有差賜道有禁斷津有梁凡減于急義即  
勇為者類此于因喟然曰吾周遊東南大族甲姓仗為此  
者不足多公以中產為之難也淞有饒貴家利醜權兼兄  
弟戕死里氓者不顧吁鄉父兄之誅而容長者之不去口  
有以哉此宜得銘也公諱英發字俊卿登年遊京師以才  
名得學正建寧年勞升面容教授未幾即棄官歸隱于淞  
之西霞自號西霞道人歲延碩師教子弟衷貢士嘗客其  
所妻某氏男一孫一曾孫三友直友諒友聞生于宋己巳  
卒于今至正庚寅享年八十有二真青龍之原附祖塋預

息菴之右銘曰

彼哉同氣我友螟以義復併連阡我給征以田吾知南  
容義且仁出于性覃于人澤及後昆至今鄉之人龔社  
固姓其村

白雲漫士陶君墓碣銘

天台陶孝子宗儀死其親已三年制闋猶哀衰來拜于雲  
間次舍泣而曰今日奮起風雲附王公大臣者其聲光赫  
矣然有身沒名者必托之名能文家否則與腐草同盡孝  
子官卑志則大志粗見于歷官者無名能文書之儀世不  
孝先生名能文言又足信萬古敢以墓辭不獲接遂昌鄭  
元祐狀君姓陶氏諱煜字明遠自號道與山人又更號曰

雲漫士從鄉先生周公榮學。成遊京邑王公貴人。備其  
狀貌言議。傾下之。已而翩然來歸。曰燕趙多奇士。今所見  
仍爾家貧親且老。遂屈身就祿。試吏蘭溪州。陞補江陰州。  
州民有劉鐵者。欲犯屠人妻。屠訟鉄。抵罪。怒縛其妻。妻  
犯之。屠捉刃利鉄。君議奸殺非故。比屠免之。君平反。部使  
者審鉄。一如君所言。又豪民朱管坐戮死。籍沒兩家田。歸  
丞相府。相以無賴少年為爪牙。縱暴隔民財。民被擄掠死  
者無算。有訴于府者。府從風指莫孰何。君進白府曰。朝廷  
命尹公是邦。忍坐視赤子殞命于饑虎之喫耶。無賴者覆  
說文移省為遣使至府。嘗以幣以年勞除杭州東北錄  
典史有畏吾人與其妻生女已十歲。一朝為省行人。即別

娶抑賤正妻。且僅一室。囚之婢引女訴主母。枉錄長不敢  
受詞。君曰。此婢去三人俱死矣。遂受詞。仲理行人坐默。退  
果遷湖州。歸去時。湖州已陷。賊君從主兵者。劃計策。適復  
湖州之糧。君為徵文歸。安時湖州已走。一介召諸艘。其至  
無時刻。違鉞。功中書。不報。調紹興。上虞縣。嘆曰。吾懷抱利  
器。不後于今之人。而浮沉大寮。不得與今之攬權力者比。  
年已莫死。將至矣。尚何言哉。遂卒于郡都昌坊之寓舍。享  
年七十有。三戊戌九月二十七日也。配趙氏。故宗室孟本  
女也。子三人。長宗儀。宗傳。宗孺。女三人。銘曰。  
其貌魁如其論。魁如考切。千更秩乎不可言用。不能大  
卒老死。簿書噫嘻乎。自古才而仕。而漫者豈惟是夫。

兩浙轉運司書吏何君墓誌銘

君姓何氏諱宗寔字誠甫其先曾大父直方由東平徙杭  
大父德遂占籍為杭人父祥嬰周氏皆樂善好施君微時  
過善相者曰此子神清骨秀他日樹何氏門戶者必此子  
也既長喜讀律能權衡世事科後成敗如著見性鯁直非  
尚外矯為義不讓人過不義退處如怯夫尋試吏下邑以  
能聲著陞杭州府史明年秋郡當處囚墩君與獄案君窮  
爰書底說鞠論報發其留白孝官惡決道枉者昭雪不以  
嫌避因有法當剽片犯者皆陷死君曰剽雖著令民迫不  
得已耳上方施仁政恤內刑真可以死地棄哉君以墨限  
剽當法而已咸謂如其仁如其仁後竟為故事格當誦

者盛議大郡有賢守將足矣郡吳擇于大小卒調昆陵居  
無何進曰郡守行仁政必自蠲寡孤獨始矧舊制立養濟  
院惠民局以濟窮黎病今院概非窮民處局又弗核實蠲  
寡孤獨何利哉郡守下其議郡轄二州邑賦役號難治田  
畝多為勢匿郡守選君土其地均之君詢高年完畝瘠肥  
及核戶費約縣賦役均穀祿平為鄰郡最尋富民妄訴田  
有災君詰之辭窮要以賄君曰吏當守法農當守耕爾以  
費為歎詔縣官我以法覈實矣敢以賄敗我法卒黜之郡  
守嘗其大呼必以字戶部尚書秦公為兩都運使道過昆  
陵詢能吏于郡守以君對秦公亦素聞其能因訪以鹽筴  
君疏上利病大奇之會丁母憂尋服除起服為掾是年

備運判李公分漕嘉興君立條告先輸者實後者罰民註  
誤禁者出帖者必刑時天積雨盆不成鹽君齋沐露禱明  
日而止鹽賦告足咸以為何君至誠能感神明年與戶曹  
君樹格殊膏式四方商旅來者如市賦用倍盈事聞上  
錫酒旌官更勞官曰何椽服勤宜先我酌君以為夫華楚  
民之賦羨而受上賞後必有甚焉者遂解去郡邑大夫高  
之日道其廬與評事君辭不可遂隱玉泉山日號一懶翁  
君素仁孝慈愛所得俸奉母外以贖于族母疾晝不出夜  
衣不解帶母于州望夜嘗露香禱天曰富貴非吾願：吾  
孫事吾子亦若子吾也抗城火四止成墟君室廬獨歸然  
存人皆以為孝感所致兄宗茂同居無間言怡如也妹一

人適戴氏戴汝君給養其家子女為嫁娶隣婦有哭其僕  
者君憐之喪其良人貧無以治棺即贈之他日婦至請傭  
以償直君曰周汝志豈望報乎婦謝而去君嘗屬續神色  
不變召其子敏及兄子敬於前命之曰凡子之事親生事  
以禮死莫以禮罔慎母為異端惡語終奄然而逝君娶沈  
氏勤儉有家法生子一人敏是也又曾氏生女在穉敏力  
學不倦有司辟為浦城縣學校論未上而君卒君生于前  
至元甲午夏正月十日卒于至正十三年正月十有九日  
享年六十歲是年三月壬申葬于錢塘北山玉泉松義坐  
之原敏樹石而金哭泣來銘銘曰

展矣何居如其仁刑有剝與死淪君平施之復生存風

穴屋廬無間隣居一室奉親人莫與京而獨存于天叶  
嗚呼何居如其仁年不踰甲祿不享天與尚胡爾後人

東維子文集卷之二十四

東維子文集卷之二十五

會稽錢厓楊維禎廉夫著

墓誌銘

馮進卿墓誌銘

富春馮堅氏哀哀來拜予姑胥舍次曰堅不孝先子以某  
年某月日猝亡堅忍死將以某月某日葬先生以異姓弟  
先子亡無先生銘與草木役也堅不孝益甚予為之泣  
哭堅歸而昇之志與銘便刻諸碣云君名王升字進卿其  
先陳留人自其曾大父志學徙家杭之富春山遂為富春  
人大父從周宗承事郎華亭縣鹽場提幹伯父驥宋武康  
主簿宋亡死節于獨松澗公草不仕及長跡跡不羈而有

大志通律令圖籍及九丘之書以時舉子業為俗學素弗習然負器畧喜功名慕博介于班定遠之為人嘗欲走京師吐其磊砢者于執政貴臣以為世之爵祿可俯而拾也至正初漳徽賊作朝廷聚湖江浙之兵相持不即殄滅君欲獻策招誘不煩一夫之遺可每繫弗行曉乃與羣弟柘祖廬起火門宅誓同居不分完成而君卒矣享年五十有一嗚呼君之器可謂奇矣志可謂大矣而訖無所就以卒嗚呼天既生人之才以為用然又天開不使直遂者不可得而知也君生于大德丁酉至正丁亥五月四日卒以明年某月葬某地第四人士頤士音士豫士仁娶葉氏生男堅女貞孫男二人先邵允文婚為同里諸國用嗚呼以

君才之竭志之縮而卒也則其有後者可知已銘曰  
已乎進卿有才以為庸有志以為衷天既信其始而又  
絀其終彼蒙者從我明獨則凶已乎進卿貴也者吾不  
知其所以已通賤也者吾不知其所以窮

虞隱君墓誌銘

吳郡海虞山之陰其溪曰東蘆有隱君焉為虞仲死氏生  
于前至元甲午十月十有三日致于至正戊子三月二日  
是年十月某日葬于虞山西麓小澗之原先生葬之一月  
其孤德懋來拜余吳門曰先君生無仕績祿于世死不得  
文可傳者銘草亡不卒耳不孝孤惟是惧且今奎章學古  
虞公集游吳謂君曰吾渡江派有在海虞而海虞之隱德

賴有君焉於是與公通譜牒吾子公之上第門生幸有以  
銘諸按狀君名安厚字仲元其系實出虞仲氏自唐文懿  
公世南陪葬昭陵始為雍人後十有一世某從僖宗入蜀  
又為蜀人八傳而為宋太師雍國公兄文扈為渡南子姓  
有尋周讓王之隱跡于海虞者故隱君為吳人曾大父某  
弗仕宋將仕郎父某弗仕母郎氏君生而性靜深長有器  
局謹事其親如禮甚親致事其長如父家政必承其出又  
必相其需于義沃于三力也故舉無過差時節祀先必哭  
泣君初喪時歲延碩師過子姪以道義學將招其私塾籍  
私田其中以為先氏虞仲學官事未集而歿兄弟同居者  
五十年鄉黨以及孝聞端肅朋舊服其交久而敬後至元

間行丞相府聞其人才且賢嘗徵授福寧州路都監稅官  
君不苟進曰使其有任官情吾官不在莞庫家矣遂謝病  
傳事家督不入官府不事鄉里請謁自號野齋然郡有名  
公卿往以客禮見之垂終呼德懋無他語惟曰吾幸生  
承平時竊師友之教安富尊榮優游以卒世得為一世全  
人吾復何憾爾曹勉旃不為吾不為：吾所能為而已娶  
同里望族周氏恭儉慈惠克相于內子二人長德懋也娶  
同里沙溪故宗楊蔡推女孫次德賢居幼女一人贊同郡  
于尚書孫德潤孫男一人寶任天德有所助雖賤必書春  
秋法也樹石立銘固不得顯諸六服官政者若君引述自  
晦上德有先于虞仲得稱隱君為是得銘已銘曰



繫海虞氏 蘇隱南齊 迨雍國公 南派又分 式忠式孝  
在爾子孫 相爾子孫 既才實蕃 才而并用 用野自文  
觀其事親 出可事君 夫豈完庫 而可屈身 為世全人  
聞然而晦 年若弗永 永德于聞 大海無二 小淵法二  
我文著隱 勿崩其墳

吳君見心墓銘

至正八年十月二十六日余及富春吳君卒家貧無以葬  
閉明年十一月某日賴同里友馮士頤募其地其孤毅來  
求銘余悲不忍銘往哭其墓毅申前請嗚呼又何忍不銘  
君諱復字見心生有異稟四歲能誦書千餘言弱冠失怙  
刻苦讀書不以貧難少置生無偽言行與人約雖千里外

不失期刻性喜吟哦善如白長慶歌謠衿詩有諷切貪奸  
其人諱者欲以危法中之不為屈予讀書大桐山中時君  
道長書願與弟子及予寓居錢唐太湖間遂舍妻子從予  
遊學古文歌詩始君持所作詩來自夸穢同列詩屏棄如  
棄涕吐余攬詩笑曰子欲輩李唐伎亦至高欲追古必焚  
滅舊語君變色不敢言徐取楮筆銀余琴搯及春僕辭二  
十餘首去越一月復來謝曰先生詩法得矣吾舊詩亦焚  
矣第出語猶吾前日詩也奈何余曰始歎汝哦事靜讀古  
風雅騷及古樂府幾再又退而閱三月來出所作曰余舊  
語忘新語出矣賴先生教幸而或副致於古遂編次余古  
詩凡十卷加以評註能道余所欲言余詩有逸者君輒能

補之觀者謂可亂余真自後下筆必出人意表嘗雪夜與  
余遊東西洞庭徒步登七十二升之峰其語益佳拔皆奇  
氣所鍾世人莫之識也去年約余遊廬山觀瀑布劇至岳  
陽訪鐵笛亭未行而以病告病三月而逝矣臨終告其陳  
倫曰天守死我矣使如吾數年吾詩不後二季吾文不遜  
吾師嗚呼君死矣吾愛遊大山長谷軼余相耶吾唱古歌  
詩孰余和耶吾性急卒未能寡過君執直敢議又孰余議  
耶吾見君之學也如宋瑱積不訾江河之傾不可休其立  
志如匙勒鎗矢破的為文如大將旗鼓建而三軍所指無  
不如意蓋其來日登而未止迺今止于斯耶前年夢遊天  
漢探天孫支機石穴為研池遂自歸雲槎秋客而所攜研

且號機石云嗚呼君也生而食不給祿不及也蓋不以外  
者為憾矣其不五十而卒也又豈以為憾哉大父某父某  
皆貧學而不仕娶李氏子教穆女一人適同里余驥世傳  
其雲槎集凡十卷第山張外史雨為之序云銘曰

嗟吳子雕龍貴麟賦天其天所嘆子之道宜鬱也嗟吾  
子忽已淪文不死于萬春

### 孝友先生秦公墓誌銘

孝友先生既沒五年其嗣子約因其友袁華謁于雲間而  
致其辭曰約不幸先人學而貧：而又不得高年死又得  
能名文者銘重不孝先人事業不用亡得稱仁義著述有  
不得不自者已賴楊東溪氏狀其詳敢丐吾子屬比之余

始來吳聞昆太倉為貨居地不為習屈挺然以文行自立者二人焉曰東溪老人楊公諱洎先生也予皆不及識矣而獲見東溪老人楊公听洎先生也予皆及識笑而獲見東溪所為先生狀蓋若識於目睫間故不辭論次其事而銘之先生諱玉字德卿姓秦氏其先鹽城人世以儒學顯宋紹興間由某祖徙居崇明之東沙與袁陸謝為望族而秦氏尤以衣冠文物稱重其鄉曾祖棟祖傑皆宋太學上舍生父庚從蛟峰方先生學咸淳末以詩試通州第一國朝不仕漕萬戶玉溪劉公聞其隱德延致于館因又徙昆之太倉家焉君四歲即歸然不羣能屬句對五歲能暗誦孝經論語八歲而喪父哀慕如成人母顧氏日夜躬織

紵資先生亦感奮曰吾家世有聞人其可自我斬乎益刻苦自力比長通五經尤邃於詩會貢舉法行州長踵其舉先生先生曰子學豈為決科計哉遂辭性至孝友事母與兄無違禮事大小悉稟以行母有疾藥食必親嘗累旬日不解帶母卒哀泣至血執喪過禮終喪不沐浴不盥醜人以為難初居喪鄰有火熾不可撲家人收資為出走計獨先生伏棺慟不去火止及屋壁遂自滅州長上其孝行特得旌寵輒謝止之憲史張公撰行劄聞其行義見其所著文論薦之且約偕詣關弗行居常晦默如愚人見貴人益自閉匿然衣冠器服必整、與弟子講解音吐洒然而媿媿無倦教授鄉里二十年嘗曰士讀書將以惠天下不幸

不及仕而教人為文行經術亦息耳里之貧不能學者為  
給饘粥筆札教之常行道間得道金訪其主還之封贖如  
故有盜入室竊布帛去明日復來僕覘執之使縱之去舊  
有土田在東沙族人據有之遂不問并以舊書歸之後其  
人感化皆歸於善類先生之於孝友于蹈義執禮至此亦  
可謂之篤行君子者已先生前致之歲嘗夢為詩禮託其  
末句曰五湖四海一閑人及覺悟曰合五與四一為十五  
十月疾驗矣四而虛其一為三明年三月吾疾殆不起矣  
乎至期果符其言屬續神色不變時至正四年二月二十  
四日也得年五十有三其徒私謚曰孝友先生君娶顏氏  
子男二長約次壁、先卒約能世其學女二先生讀書之

舍自名曰迂濶所著有詩經纂例大學中庸探說宋三朝  
摘要齋居雜錄并詩文若干卷藏于家墓某所銘曰

人之機也哉曰愚我之達也人曰迂嗟先生愚不如迂  
自居四一以虛卒允符誠使粗愚以好用而迂以利趨  
道弗信而盡于途孰愈孝與友之謚于徒

元故樂聞先生墓誌館

公諱錫珪字君玉其先出唐學士亮、遂良由河南遷錢  
唐子孫所居號楮家塘其後有徙居莒城者亦以楮姓其  
卷今聚族而居之西萊塢庄者即自莒城來有起身科第  
者為宋迪幼訓淮安縣丞士登公曾大父也宋將仕郎管  
元吉公大父也宋將仕郎國史實錄院檢閱文字天祐公

考也公性沉靜寡言自幼有識量檢閱君嘗夜過盜：認  
君巾服欲刺之公潛以他衣冠易之於虜免而免長究心  
經史游庠序間穢：有俊聲安定書院舉之儒臺授求縣  
孝公曰吾親老且病忍一日去側即雖不任得朝夕養我  
親吾志周滿借有高位違孝而往不為也矧縣學師不能  
信所志者乎遂辭朝夕躬上食親前親有疾衣不解帶者  
累日藥餌必親嘗乃進居喪哀而毀有常情所不堪既奠  
追慕石村見之至老弗渝篤孝之行人無聞言里父老馴  
其子弟之事親必指公為則云族有貧不自給者則之粟  
貸不償者焚其券又多蓄善藥以濟人平居雖然燕必冠  
對客則風流談論務使之盡驪晚歲鑿地築園時花竹以

自娛創樂間堂因自號樂間居士其在鄉閭平率人物比  
漢陳博古而尤善知今事人比唐齊幹行游城中邦大夫  
候其車音爭相迎致問時政善不專而稱之為樂間先生  
公生于宋德祐五月二十二日卒于今至元庚辰六月二  
十九日年六十有大娶張氏四男長嗣良次嗣英出繼叔  
後次嗣俊嗣賢女一適董汝華孫男六應椿應桂應松應  
杓應雄應樞以至正三年正月六日葬于烏程永新鄉大  
舍降塢之原傳曰施媻女衣褐天下稱妍貫諸赤手天下  
稱勇士之美者又豈籍區：爵位耶吾觀樂間先生者是  
已先生邵仕而問為孝子為義士其卒也不應銘法歟銘曰  
考為則分義不顧任則少考德則多先生之樂分陰陽

爭知先生之則方爭紀於瀆與河南之海可竭金之國  
分可限我銘其人方不可磨

元故用軒先生墓誌銘

昔有隱君子為用軒韓先生先生役十年所其嗣先壁即  
克彝尚啣哀弗置走余錢唐次舍拜有請曰先生生有輔  
世忠訖不得祿位以亂片言觴行有幾古人死又不得文  
而可之傳者銘是與卓亡木卒等不孝孤罪益甚吾子異  
銘德人義士賢公鄉先子世次言行具在歲志吾子哀而  
賜之銘非真不孝孤貫罪先世：遠有耀已余嘗觀抗國  
志見有宋韓左廟者以進士起身回臨安令以嚴明陞臨  
安府左廟官臨安剽民財者白擊子聞公至皆屏迹謠曰

韓廟明無擊白韓廟死白擊未嘗不起慕其人問元壁曰  
即先生五世祖也按家乘韓為番著姓其先南陽人唐末  
徙徽之黃墩復遷饒之樂平歷宋權科者代不乏絕靖康  
間諱屏者中武舉尋自恥悔再游太學登文第官至臨安  
左廟者即治白擊者也諱仲允丞相趙忠定公之壻以詩  
五中待補者先生之祖也諱如璋遭宋革隱居讀書於里  
之北小號菜山先生者先生之考也先生諱思恭字德用  
學者尊之曰用軒克生先生幼不習羣弄蚤悟書數學長  
負器備好善慈：甚色鳧里有不平事掀髯一言折于稠  
衆中哀者屈鬱者吐氣或為非義惟恐先生聞之若畏王  
彥方者邑大夫史公夢龍豪傑士也事先生如師先生嘗

語之曰土敞不藩水垣者魚不育守令者民之土水也又  
白廉而不諂直而不決糊塗皂白以從事其敝甚鉅吏公  
書其言子座右訟有不決者馳狀質先生德一言舉置為  
曲直饒有直 國初以大姓督陶先生嘗領其事有獻榮  
者某室之墓在陶某田之畔在沃即依榮毀室廢壞溝計  
百十家立待先生不從曰損民利國非國福利利有証民  
乎既而室若田者或來謝復拒之水旱疾疫必露香願天  
為眾告急告必有應處 祀率有力者食飯至藥病掩骼自  
奉薄甚碩師教子弟歲金節獎窮 惟恐後事親至孝此  
李孺人沒水漿不入口者三日因致重疾菜山公年垂八  
衰晚多病侍藥膳不少懈病革不支曠至搗掌代痛居喪

一遵朱氏禮喪祭之具獨任不以緦伯仲氏配曰程夫人  
同里程剛慈公孫女也克相無違先生資以修于家先生  
卒子男四璧璠璿女二婿為王恭簡公孫與善王知錄孫  
惟澤先主 于宋咸淳丙寅六月二十有八日沒于今至  
順壬申七月八日享年六十又七先是里之石龍 因有  
龜蛇交集勢秀峯離列下走兩隄為陂陀若雙蚪然兩源  
挾峙出澗 橋龜蛇而東去龜之有二石筍若相距尋丈  
間術青烏者以為古人宅兆也先生嘉之嘗挾策止此語  
元璧曰吾百歲後必藏此於是八月某日葬于龍岡之背  
用治命曰吾聞士有隱德者必享其榮以及其子孫先生  
德人也享榮不于身便不祿位以沒荷其及者不在後之

人乎元璧清明好學有任才吾見左廟氏之重榮可必也  
銘曰

龍文之兮為蛇為龜鳩叶龜之兮兮相拍相繆下走隻蜂  
兮兩源挾流小鍾奠石兮大鍾俊髦教德之人兮悶于  
丘

故張君子墓銘

吳人張天祥既克墓先孝君被服斬經謁予門拜有請曰  
吾子以文章銘世之賢公卿善人先孝君雖賤雅亡忌吳  
之人識不識咸稱曰君子人見先世多繇進士起幸子立  
一言信若惇史非直不肖孤幸先世：遠有耀已世次言  
行謹備墳馬良狀余至龜讀蘇郡乘知張吳顧陸為四顯

姓而張氏蔓衍為獨盛今又聞其後有君子人者張氏之  
澤曷其遠也哉按良狀君諱必成字舜卿曾大父巡大父  
浩父愷俱隱德不仕其先自晉廣州刺史彭祖後于姓至  
宋齊猶昌遂為吳大家遂前朝登皇祐進士第者僑：後  
顏：後敏功敏功後攀四世皆第進士君攀八世孫也生  
至正乙酉八月十七日卒至正戊子正月八日年六十有  
四配陳氏子男三嫡天祥天德庶天祐女三人長適馬良  
仲適程可大季適曹維宗仲適出也孫男女八人人卒之  
年二月三月十日葬長洲縣武丘鄉靈壽南之原君生不  
好美長簡厚甚年十四喪父哀如四禮養母以孝聞事其  
伯氏若父既冠娶自立言讓田廬諸兄旁建宅一區客亭



師舍靡不完好外養市徒理生產日當蓄成必推其羨以  
及人弗悟兒婦人諫止則日積弗散不有天災有人禍緩  
急扣門請應如不及佛老家祭大士未亦樂予之惟不樂  
貧道子孫習吏術尋任階以為棄今誅人之仕寧去道路  
吾非不欲仕也仕而弗利人人覆我病不若不仕兩忘失  
云早居氣貌和霽於物無忤雖家人妻僕未嘗識其病疾  
聲怒色有以橫逆加之必自反久之其人意自消晚年病  
痿痺弗接人事誠諸子曰不少自奪鑿延方伎士卻病而  
病速施財非鬼覲福報之邈如惟寡欲迺大藥擇師傅教  
子孫乃樹福本若輩識之故三子有仕才類弗奸祿天祥  
且維志築書樓購未見典籍藏之厚禮碩師以淑子姪及

里中兒君聞其為喜曰天祥為吾所未及為非生孝乎吾  
雖卧為廢人無憾又詣誠子誓弗以婦言分異書田氏荆  
本事視曰無知如木尚識所托况人乎若輩愚之因隊吾  
訓吾門其大矣其言確乎應君子之教且過未嘗弗知  
未嘗復為君子之仁也吾聞古者有諸侯大夫之位雖無  
德稱君子稱其位也有諸侯大夫之德雖無位君子稱其  
德也一介之賤稱君子法不當得銘乎銘曰

位振人德振身振人者民歸之而尊弗親振身者天下  
歸仁日以尊親無羣君子哉若人視予銘詩之可信

蔣生元家銘

生名元字亨之吳興安化鄉陳瀆里人也祖慶先主簿必

直父宣政院掾克明先生質樸警五歲入小學日誦書數  
千言十歲善屬文二十學明經義試有日不競輒自念曰  
吾學經無師說吾點宜也乃歸告其父曰會稽楊先生某  
東南受經之師吾將不遠千里執摯而北面之父憂其素  
病羸止之曰天其將門之幸先生從吾聘汝學可已不頃  
奔走千里學未可望而我憂先為汝學之成不成卜于先  
生之來不來也予嘉其父子心往焉時至正四年十一月  
某日也閱三年元學成蔣氏之族咸相慶曰元以先生之  
來不來卜學之成不成某等又以元之成卜蔣氏之盛衰焉  
元成矣先生之賜不微矣蔣氏之慶長矣嗚呼又豈料元  
學成而娶之而即死乎始余至元家元婦家催元娶速予

語其父曰元娶學無成理遲吾業可授父力卻婦家娶期  
期三年而通媾元得卒學婦家申娶期適相者又言曰元  
娶早亡娶遲十年可免爾元父弗信娶焉娶未月而元  
病未期而元歿矣於戲相者之言其得天歟得人歟元學  
吾春秋者也春秋之法以人合天不以天任天元之幸受  
教于其以人合天歟其取而即死抑以天任天者歟嗚呼  
人歟天歟吾不得而知之矣元生于泰定元年四月二十  
七日死至正七年八月初六日也閱二十日無起又閱二  
十日夜夢元衣其所常服來拜曰元死矣元幸遵先生教  
不娶而學僅有成不幸而符相者言急娶而速死也吾父  
兄將以某月某日奠元車注之原元學于先生無毫毛表

世死無无生一言以表吾埋土吾其遠與黃土同腐乎予  
聞其言怛而誓巫諾之明旦有叩門者乃蔣氏伴赴也予  
為之哭慟遂俾學子吳毅書其志復銘曰  
生以人得天死不得天以人吁嗟无乎睿而病而厘未  
宦而昏力天願身人耶吾不知其所因

華亭縣主簿王佳母夫人李氏墓誌銘

華亭縣主簿王佳母夫人李氏名淑貞處州教授某之女  
教授君博極羣書而傳業在其女嘗曰吾女心嫁奇士年  
既更適同郡遂昌邑西平王氏迪功君之子進洪：負卓  
越才以青年遊京師華衣奴馬從名貴之遊得遊徽官于  
湖西鬱林州未幾沒官所時夫人年方及鞠養三子長學

次佳次海擇以傳就學：回必親試其所誦書探其課對  
工拙為賞罰故三子克有成立天人之教也至正戊戌鄉  
民乘亂為椎理剽殺夫人挈奴僮碎地松陽之眷家所長  
子學死於兵故廬燬于火夫人憂悸成疾辛丑冬十二月  
卒于眷家所明年春葉蕙遠昌月山之麓龍鳳己巳江表  
吳王延攬英俊凡鉅室子弟有奇才者不次登用丙午秋  
住在選中丁未春授官華亭縣主簿明年冬始獲歸葬于  
先塋西亭之原先遠日佳以其友葉微所著行狀來乞銘  
予客華亭親見佳健于趣解後蘇河領夫丁若干萬無失  
所慢役者漕糧四十餘萬至京城無後期繼漕麥五十餘  
萬滋券以勞失獲折銀估大家藉其稱貸鉅家濟所急佐

邑長聽獄訟先燭其欺後翦其蔓民自以為無冤滯得佐  
邑循吏稱豈非母夫人之教澤耶故樂為之銘曰

婦艾夫夫子幼失父婦訖完其節子訖以才舉焚黃為  
哀亦榮爾母哉銘不已爰示來後叶戶

### 王母李氏墓誌銘

江陰王孝子作違去其母逝已十餘年猶作嬰兒謁于會  
稽鳩維桓曰違藉有立母教也傳見野史沈蒙氏未得名  
能文如韓愈氏者誌親逝不得韓公銘不孝今以屬先生  
先生幸哀而賜之銘辭不獲按扶夫人姓李氏諱靖真宋  
獄同郡濶之女抗庫使王惠之妻生子一即違也庫使君  
善律已起身憲漕果遷王永豐縣幕致事抗庫副使初始

徐氏庫使君之為人求可與齊者姻里皆賢李舊族教子  
女不違古訓求偶莫李氏若灼告宜莫五年歸于王婦道  
甚飭庫使君在吳時李侍姑就養姑清閑一紀若一日舉  
族嗜以為難其訓子嚴有法日給膏燭誦書約兩夜止或  
逾約輟誦至旦罰餘食就外傳之贅師物躬紡績以資之  
且多布古奇書廣其聞見逢齒壯所還往皆海內一時名  
俊陰自擇曰兒不負我矣天厭飢民相引鼠偷率女奴夜  
績更寢盜不敢闕卷以為之歌曰東家辟繡而家穿窬其  
內治類此至正五年秋八月三日疾卒于天官下壽五十  
九遂護窆旋莫黃山原遂齒今四十以才諳顯東州諸侯  
爭欲致門下浙憲使舉止園俱不就風節益烈焉君氏稱

王母氏有子矣是可銘也曰

子以母教者城母以子留者背長孟後歐陽歐陽謝曰  
唔可以王 先生自註曰以字推也不可作助語辭

故鄒元銘妻金氏墓碣銘

吳常熟鄒元銘之妻金氏諱玉字孟姬寧國路旌德縣稅  
務大使辟之冢婦衛路輝管氏長官司總管謙之長女廣  
德路道錄善信之孫漳州路龍興縣尹煥之曾孫也姬從  
幼慧齊性孝謹日在父母傍不忍頃刻離去撫婢御未嘗  
見迂氣其織紵組紃及音律書算皆不習而上有過人者  
誦詩書即通大義讀烈女傳見有孝于親事舅姑盡苦節  
者必識之信踐之及歸鄒氏執職如禮甚育子若女自襁

褓有法相其夫急人以義睦嫻任恤無不適宜焉舅姑皆  
稱賢無間言然慕父母未嘗一日替像凡十歲三歸寧及  
辭去戚如初嫁時今年遂以歸寧終父母家訃聞夫族  
齊望門哭曰某婦死無以成吾鄒氏家矣得年僅二十有  
七生于至治辛酉十二月初五日卒於至正丁亥三月二  
十五日女一人升奴男一人壽童元銘卜是年四月初  
一日祔于武丘鄉早塘祖塋之原閏十日來請銘余住吳  
久之聞沙湖金氏為有禮法之家往之所適女多賢行都  
人士之詩曰彼君子女謂之尹吉尹吉者周大族有禮法  
之家也女有君子行必推自尹吉孟姬出大家而闡于禮  
法如此謂尹吉女非歟尹吉女為詩人所著而予為銘詩

著孟姬閔其令質不永年便名氏有傳豈過乎銘曰  
粹夫而秀而夭抱株驥墮地走而躓中途彼惡終天齡  
跋運長衢吾壺不知其所如嗟、乎孟女宜歸大家孰  
長短於短之不足而長有餘誦我銘詩不人誣

426
12
5

The right page of the notebook is a blank ledger page. It features a grid of columns and rows. The grid is defined by vertical lines that create approximately 10 columns of varying widths and horizontal lines that create approximately 20 rows. The page is otherwise blank, with no text or markings.

